
# RACCOLTA

# DELLE MIGLIORI OPERE I N DIALETTO NAPOLITANO

VOL. V.



# LA

# CECALA

# NAPOLITANA

ZOĖ

## DEFESA DE LA MEZACANNA

De Sitta Balentino.

Vol. Unico



# NAPOLI

A SPESE DELLA STAMPERIA FILANTROPICA 1835.



# A CCHI NON SA LLEGGERE,

L'AUTORE PARLA CO LO LIBRO.

GIà, pe grazeja de lo Cielo, figliuolo mio, sì de quatto anne scompute, e beo ca puoie cammenà sulo, saie lo mmale, e lo bene, e pparle comme a no vecchiariello: e ssi bè sì ffiglio de no Patre gnorante, si nnato non però a buono taglio de Luna, pe lo che mme pare, che puozze ire cammenanno no poco pe lo Munno, azzò prattecanno co cchiste, e co cchille, trovasse la sciorta toja, pocca lo stare nziemme co mmico poco utele te pò essere; pecchè ca sì gostu-

siello, ogn' uno mme te cercarria mpriesteto, e po mme tornarrisse n' auta vota a la casa stracciato senza utele tujo, nè beneficio mio; ca oje ncè sò ccierte tale, c' hanno na faccia tanto tosta, che nce puoje dare co no pontarulo, e no le ssiente dicere auto, che mprestame, e ddamme; nzomma sel' hanno mparato a la mmente, senza avè considerazione ca t' aggio allevato quatt' anne continove, co ppascerete d' uoglio, e bestirete de carte.

E tanto cchiù vattenne allegramente; pecchè vaie nziemme co ffrateto, che se chiamma NAPO-LE SCONTRAFATTO, lo quale dapò essere stato ppe'ddeverze parte de lo Munno, m'è ttornato a la casa, e l'aggio fatto lo vestito nuovo, e guarnutolo co la quantetà d'ottave, azzoè restampatolo co la

jonta.

7

Va de buono armo, ca pò essere, che trovarrite l' auto frate perduto, e porzì figlio mio, che se chiamma MEZA-CANNA, quale medesamamente va spierto pe lo Munno, e accossì spero ca v' aonerrite nzieme, e cossì aonite sarrite tre, e pararrite uno sulo, pecchè ghiate tutte tre vestute de na lebrera, zoè stampate de na forma.

Saccio buono ca aie quarche defietto co ttico, la corpa non è la mia, ma de la pressa, che ssole (comme la gatta) fare li figlie cecate. Chi ha jodizio, compatesce.

Se sì addommannato, comme te chiamme, de dove sì, e ccomme, e quanto, ca lo Munno è ccoriuso, e bò sapere lo ntierno, e lo stierno, e tu dì, ca te chiamme la CECA-LA NAPOLETANA, e ca sì una de chelle, ch' appero lo stratto da Napole p' ordene de Vergilio e ca

T'avertesco perrò a schifare, quanto cchiù puoje, de commerzare co gnorante, ca si bè lo pparlare tujo è goffo, non pe cchesto sarrà ntiso da tutte sciorte de perzune, perchè non tutte le pper-

zune songo uommene.

Guardate de ncappare mpotere de quarche mmale contente, comme l'autre frate tuoje, ca si nce ncappe avarrie che scardare, attiso ogn' uno te dirrà la soja, e te tacciarranno peo, che n'hanno fatto

E pecchè saccio li taste, addove te ponno toccare, t'avertesco a ssaperele, responnere de bona forma, e co bello muodo, conforme te dico mò io.

Mprimmo ne'è chi te dirrà: A Ppatreto chi lo tocca, che brociola? chi nce l'ha puosto a ffare La Defesa de la MEZACANNA, pocca nesciuno l'ha scritto contra; ma ogn'uno ave avuto gusto de chella, avenno ditto na veretà chiara comm'a lo Sole?

Dille, ca tutto chesto è lo vero, ma lo gusto l'hanno avuto schitto ll'uommene buone, e ghiodezejuse, ma cierte gnorantune, o perchè s'hanno sentuto pognere, m'hanno taccariato co la lengua, che è assaie cchiù ppeo de la penna, che perzò co la scusa de m'avisare, ca

lo tierzo, e lo quarto m'ha ccenzorato, hanno sputata la parolella, e spaporato a ggusto lloro; si bè de chesta sciorte de gente non se nne fa cunto, comme dice Protrarco: Equa laus est a probis laudari, et ab improbis vituperari, etc.

- A chi dirrà, ca io co Nnapole Scontrafatto aggio parlato a lo spreposito, respunnele co l'ottava 31.

e 32. de la Defesa.

A chi s'allammenta, ca sulo a Nnapole ha dato funno lo VA-SCIELLO dell'ARBASCIA, respunnele, pe le cconzolare, co la resposta d'Apollo, e co chello, che dico io a l'attava 36. 37. 38.

A chi dice, ca io aggio ditto male de la Patria mia, falle primma no vernacchio, e po respunnele co lo Marino a l'ottava 40. e 41. e co cchello, che ddico io

a l'ottava 42. e 43.

Trovarraje porzì certe ffemmene, le cquale contra de me hanno fatto no greciello pe la cosa de lo minostrare le spalle, de lo bestire, e zetera de la quale cosa se nne lammentano porzì li marite, a la Defesa, ottava 45. e 46.

Respunnele co l'Addante a l'ottava 47. e co Tommase de Messina Ceceliano a l'ottava 48. 49.

e 50.

Trovarraje a lo Secunno parmo chi se lammenta de lo Nnore ottava 55. e 56. respunnele co lo Cortese Mastro mio, lo quale è ttiesto, ottava 54.

A chi se lammenta ca de la Nobeletate non aggio ditto buono, ca non aggio fatto menzejone de lo sbrannore lloro, e ca nego la Nobertà nasciuta, ottava 55. e 56.

Respunnele co Ccecerone, Tiraquello, e Buono de Cortile, ottava 58. 59. e 60. .

Non mancarranno cierte gnorantune, che non sanno leggere manco lo Calannario, e ddiranno ca io sò stato tanto nzallanuto, ch' aggio ditto male de me stisso ad ogne Pparmo; a cchiste respunnele co Ghiovenale a l'ottova 63.

Nce sarrà quarche Ppacchiano malecontento, che pe pparte de fare lo cocchiero, và ncarozza, o ngalessa, che non se l' ha sonnato maje, e dirrà ca io sò nvedejuso, ca pe cchesto aggio parlato de le Ccarrozze, e dde le Galesse; a cchisto respunnele co Ghiovenale a l'ottava 69. e 70.

Nè mmancarranno cierte veramente scarze de lo judizio, che dderranno, conforme hanno ditto, ca io aggio fatto sotta lo ritratto mio lo mutto Malè operantibus Pavor; quase che io co lo ritratto facesse paura a le gente; a chiste respunnele co lo Cortese a l'ottava 72.

A chi se quarera ca io aggio tacciato chille, che pportano le ggonnelle pe ccauzune, le può responnere co Lope de Vega, otra ca nchesto mm' è nfaore tutta Spagna, e chi è Franzese, se nne vaga nFranza.

Nce sarranno cierte Ttoscane nzertate, ch'a mmala ppena sanno leggere, e bonno dicere male

de lo lenguaggio tujo.

A cchiste respunnele co lo Cortese a l'ottava 82. 83. co no gran gusto d'Apollo a l'ottava 84.

A lo lamiento de cette Sdamme sarvateche nce responne Apollo pe tte.

La Cecala

A l'ottava 92. vengo co ssettenzia deffenetiva assoluto da ste gguittarie.

A l'ottava 96. pp'ordene d'Apollo mm' è zeccata la MEZACANNA

da Cesare Caporale.

A lo Secunno Canto, quale è lo Commanno d'Apollo, te dirranno ca io mme mostro nteressato, co llamentareme de la sgratetudene de cierte tale, e cquale, che non sanno, o non vonno premmiare li povere Poete. Dille ca io non parlo pe mme, ma aggio spaporato accossì pe ttanta lam-mentaziune de mill'autre Poete, che nfettano lo Cielo co le cqua-rere lloro: Chi dice ca tutto lo juorno non fa se non Soniette, laudanno chiste, e chille, co speranza de mutà cappa, o de s'anchì la panza, dapò esserse scervel-

lato; perdutoce l'uoglio, e lo suonno, la carta, e la nghiostra, o puro stampannole se levarrà da vocca quarche carrino pe pagare la stampatura. Chi ca stampa Poemme dedecannole mò all'uno, e mò all'autro co speranza de quarche sollievo; e quanto resta nzicco; e cchello ch'è ppeo, l'abbesogna pagare la legatura de chiù, ma io, che mmaje aggio proceduto co nteresse, non faccio cunto de sse mmeserie, si bè mannaggia a chi non piace lo zuccaro, pecchè patreto quanno dà le ffatiche soje, sà a cchi le ddà, attiso, parte le songo Ammice , parte a cchi ave obrecazione, parte p'affezzione, e pparte pe mmiereto lloro, che pperzò non parlo pe mme, nzanetate sia ditto, e pò io aggio poco genio de laudare nesciuno, non pecchè non voglio, ma perchè non saccio; e quanno lo ssapesse fare, manco lo farria, pe ppaura, che pe pparte de laudaren' Armellino, non laudasse quarche ppuorco, o puro pe pparte de quarche Ppalomma non pegliasse no Cuorvo, co llecenzia perrò, e lleverenzia de chi legge.

Te sarrà ditto ca io sò Ssatire-

co, e mmaledecente.

A cchesto respunne, e ddì ca chi mme chiamma Satireco è n'Aseno, pecchè non sà che ccosa vò dì Satireco, nè che ccosa è Ssatera, pocca ll'essere Satireco, comme dice Arestotele, nasce da ira, o forore, che se ggenera ncuorpo de no Poeta, pe ccausa de li spreposete, e de le ccose, che bede ire a la nverza, comme Giovenale lo dice tunno de palla, facit indignatio versum, lo quale maje fu cchiù Ssatireco de tanno,

quanno vedette cresciute li vizie, e guittarie de li Romane, che perzò spaporaje co cchille vierze che accommenzano Ultra Sauromatas, etc. e a n'autra banna, tatanianno dice: Et quando uberior vitiorum copia etc. co cchello che ssecoteja; liegge, si lo ntienne, ch'aje gusto; dille de cchiù, ca patreto non pò vedè lo stuorto, e perzò la vena poeteca soja è arraggiaticcia, comm'a cchel-la de Giovenale, d'Arazio, e di autre: ma chille a li tiempe llo-ro parlaino co cchiù lebertà, che non se ne parla oje, conforme nn' è ttestemmonio Taceto, che ddicette: Rara temporum felicitate, ubi sentire quae velis, et quae sentias dicere licet, merzè ca tanno nc' erano a lo Munno cchiù che non nce songo oje, ammice de veretate, la quale li gno-

rante oje non sulo chiammano Satera, ma le danno titolo de mmaledecenzia; e nfrotta dille ca patreto meglio se contenta essere chiammato Satireco e berdadiero, che busciardo, e adolatore; perchè li satarice sò llaudate da l'uommene de buono ntennemiento, ma l'adolature sò schifate, ed odiate ( da chi perrò non è gnorante ) comme cane-muorte, contra de li quale fanno croceficio, Tito Livio, Quinto Curzio, Valerio, Taceto, e bà scorrenno; otra ll'Auture sacre, che fanno cchiù ffracasso de quale non nne faccio menzione, ca non aggio tiempo, mperrò chi è ccoriuso, che llegga, ca mpara.

E p'utemo terrebilio te ssarrà dditto, ca io, zoè patreto, è no gnorante, è ca de ll'arte poeteca non ne sa cria; Guarda, no le responnere, miente pe la gola, ca é lo vero; ma dille da parte mia, che facciano no poco lloro comm'aggio fatt'io, si le vasta ll'armo, ca po tanno nce vedimmo.



# DEFESA

# LA MEZACATHA.

MEnt'a lo mmeglio stea d'arreposare Sta notte a la mprovisa mm'è comparza Na Sdamma de bellezza sengolare, Che la capo de rose tenea sparza; E pparea che ddecesse a buce chiare, Aie tu donca la mente tanto scarza De pensiere? ora via no cchiù ddormire, Ca lo suonno è pparente a lo mmorire.

3

Sì ommo tu de stare mpotronuto, Accossi sonnacchiuso, e spenzarato? Sì ommo tu de stare accossi mmuto, Comme s' avisse perzo quarche Stato? Via scetate, no stare cchiù storduto, Aiutate, pecchè t' hanno accosato Cierte, li quale a ffratemo hanno ditto, Ch'è ttutta faozetate quant'aie scritto.

A cquant' aie scritto co la Mezacanna, E co Nnapole puro Scontrafatto, Fuorze perchè co chell' aie dato 'ncanna A, chi de veretà nnemico è affatto; Viene non te fa fare la connanna, Ca non te mancarrà d'avè lo sfratto, Viene co mmico, e bola co le ppenne, Pecchè nc' è chi t'ajuta, e te defenne.

1

Priesto chiarisce l'azziune toje,
Porca scarzo non sì de lengua, e bocc,
Vì ca te mport'assaic, benaggia d'oje,
Ca chello c'hanno ditto pogne, e cecce;
Lià dica ogn'uno le rraggiune soje,
Donca sinche solliceto, e beloce,
Ca l'Avocate addove non sò Pparte,
A ggusto lloro agghiustano le ccarte.

!

Io puro vengo, non te dobetare, Ca non si contomace, o forasciuto, A tte stà se te vuoie ammortalare, Ch'io puro te faoresco, e ddongo aiuto; Mò se vede s'aie voglia de campare,

23

Ma fore de sto Munno mmastarduto, Viene, dove Vertute, e Beretate Sò ttenute 'nconcietto, e sò stemate.

6•

Ca dormo, ca non dormo, sonno, o veglio Stea penzanno ntra me tutto dobbiuso; Quant' eccote de botta mme resbeglio D'angoscia tutto chino e ppaoruso; Me stennecchio, apro l'uocchie, e ( nce veo meglio,

Perrò puro ntra me cossì penzuso, E chelle, che mme parzero chimmere Vedde ch'erano cose chiare, e bere.

7

Io 'nvedere bellizze tanto rare,
Accompagnate puro da sbrannore,
Piglioarmo, e l'accommenzo a nterrogare,
Si bè parlava, e mme sbattea lo core;
Chi site? e che benuta site a ffare?
Fussevo fuorze vuie la Dea d' Ammore?
E chella mme respose; chest'è scusa,
Non me conusce buono? sò la Musa.

8

Sia Musa mia, co sso parlamiento ( Le respose ) tu mm'aie già stonato, E m'abbute de chiacchiare, e dde viento 24
Che sò cquase pallone deventato;
No mme vuò fare ave n'ora d'abbiento,
E pe te dì lo vero, mm' aie frusciato,
Ca te nne si benuta chiano chiano,
Aie quarch' auto locigno pe le mmano?

9

Non serve a llebrecare cchiù pparola, Respose, perchè Apollo lo ccommanna, E ment' aggio accordata la viola, No aie da venire co na funa ncanna; Priesto, già che de te la famma vola, Fa donca che lo nomme tuoie se spanna, E ssacce ch'a ddespietto de la Sciorte Camparraie, se bei muore, dapò morte.

10.

Obbedisce, te dico, sotta pena
De perdere lo nomme de mmortale,
O mutata pe te vedè la Scena
Da saccente che sì, esse anemale.
Zzò sentenno agghiaiaje, perze la lena,
E restaje comme statoa de sale:
Obbedesco ( io respose ) jammoncenne,
Provistome de nchiostra, carta, e penne.

11

Chella priesto mme piglia pe la mano, Che n'era fatto buono juorno ancora, E co na chiacchiarella chiano chiano Mme fece cammena vintequatt' ora; E pperchè mme credea de i lontano; D'arrevà mme parea mill'anne ogn'ora; E ffatte na jornata de cammino; Co la Musa arrevaie dint' Avellino.

#### 12

O che bella Cetate veramente
Degna de no Patrone tanto granne,
Quale da lo Levante a lo Ponente
Raggie de Maestà pe ttutto spanne:
O quanto mme stemaiericco, e contente,
O quant' alliegro, e flore d'ogn' affanne,
Penzanno ca dovev' essere digno
No Segnore vedè cossì benigno!

#### 13

Perrò no miglio nnante d'arrevare,
Pe dderettura ne'è na hella strata,
Che 'n vedeila se sente consolare
N'arma quanto se voglia sconzolata;
Attiso da doie hanne contemprare
De Fetonte se pò la derropata,
Ca llà d'isso le ssore poverelle
Deventate sò chiuppe tanto belle,
La Cecala

Nfrutto lla stev' Apollo allegramente,
Ma co le Mmuse ncommertazione;
Dove ne' era gran nummero de gente
D' ogne Paiese, e d'ogne nnazione;
Quale l' erano tutte obbediente,
Servennolo co grann' attenzione;
Ed io vedenno chesto 'ncannaruto
Steva de lo servi porzì speruto.

15

Ora comme se scopre la boscia

De chille, che pparlà soleno a ccaso,
E bonno contrastà, ch' Apollo stia
'Nu Alecona a lo Monte de Parnaso;
Vaga dove se voglia chi se sia,
E cammina da l' Uuorto nfi à l' Occaso,
Maie se porrà vantà chillo, nè chisto
D' averlo comm'a mme parlato, e histo.

16

Fattale da la Musa la mmasc'ata, Ch' io era ad obbedirelo venuto; Appe tanno pe ttanno la chiammata, Che fosse nnanz'ad isso comparuto; Vago, ettrovo l'audienzia apparecchiata, Le Mmuse attuorno, emmiezo stea seduto

27

Apollo, e a mmano ritta avea na stella, Che mie vedd io la cchiù llucente, ( e bella.

17

Ma che? quann'io mme vedde nnanz'a isso, Restaie de preta, e d'ogne ssienzo ciesso, Comme quanno no stateco sta ammisso, Che non sa comme, e che le sia socciesso; Nè ssapea che ppenzare tra me stisso, Ca manco de parlà mm'era conciesso, Nfina fatta restai: quase confuso Nnant' a chillo Segnore maiestuto.

18

Ma chillo, ch'è la stessa gentelezza, E sa buono, che manz'a lo Lione Ogne anemale perde la fortezza, Ca nullo le pò stare a pparagone; Compatenno de me la debolezza, Mine decette, fa trippa, e ccorazzone, Titta che d'aie? st'alliegro, sta securo, Ca si bè Febbo songo, ommo sò ppuro.

19

O Cortesia de vero Cavaliere!
O bontà de magnanemo Segnore!
Che mme fece pe ccierto stravedere,

E mme facette fa tanto de core; Ca de fforza mme voze fa sedere Nnanz' ad isso, vecino, a ccore a ccore, Co ttant' ammore, e ttanta confedenza, Che chi mme sente, non me da credenza.

20

E mme fece porti strasecolare,
Ca chillo gran Segnore auto, ssoprano,
Si bè d'ogne lenguaggio sa parlare,
E Llatino, e Spagnuolo, e Ttaliano;
Sapenno ch' assaje erano cchiù cchiare
Le pparole, e pparlà Napoletano,
M' accorze ch' ogne bota, che pparlava,
A lo Nnapoletano assaie ncrenava.

21

Fatto selenzio Apollo, mme commanna, Che nnanz' ad isso ll'opere leggesse, Napole mprimmo, e po la Mezacanna, Azzò da tutte quante se ntennesse, Pecchè paricchie stevano de banna De chille che no' avevano nteresse, E sott'uocchie, vedeva, e mm'addonava De quarche Zanne, che mme smorfiava.

22

Liette li duie Poemme nnanz' ad isso, -Cierto non me passaino pe gnorante, Ca leggenno leggenno vedea spisso A ll'atte ca piaceano a ttutte quante; Anz' Appollo mmedesimo isso stisso Stea co na vocca a rriso assaie festante; Da dove io pigliaje armo, e lo pregaje, Azzò mme liberasse da sti guaje.

23

Venga lo Mastro-d'atte, Apollo disse, E si formi l'Audienzia, perch'io voglio, Che quivi non succeda qualch' ecclisse, Che mi darebbe certo gran cordoglio, E de propia mano accossì scrisse Co gran velocità ncoppa no fuoglio, Jam video, quod absque ratione Afficiaris cavillatione.

24

Venne, e fu fatto Mastro-datte assunto De sto mbruoglio, Traiano Boccalino, Ommo assaie letterato, e de gran cunto, Storiografo cierto muto fino, Franco de penna, e cehiù de lengua ( prunto, E mme parze c'havea de lo ddevino, Vasta, chist'era de la Sfera primma, E chell' Autezza nne facea gran stimma.

Pe ll' una, e ll' auta parte l' Avocate Vennero pe ddefendere sta llite, Ch' erano li prociesse compelate, E l' atte ordenatorie comprite; E lle Pparte contrarie già arrevate Nnanze de me, venettero attrevite, E mme teneano mente co na cera, Comme pò fare a n'ommo na Pantera.

#### 26

Contra de me nee venne no Toscano,
E no cierto Pedante Cosentino,
Nziemme co no Poeta Provenzano,
E n' autro era Franzese pisciavino;
Cchiu d' uno nce nne fu Nnapoletano,
E ntra l'aute no cierto marranchino,
Che co ttuba, e co lleva fatto nnante,
Se credea fa paura a ttutte quante.

#### 27

Nfaore mio comparze lo Cortese, Lo Dante, Giovenale, e lo Marino, E no cierto bravazzo Messenese, Ch' era Poeta assaie massiccio, e ffino; Lope de Vega puro mme deses, Quale mme stea de tutte cchiù becino; E ssempe mme deceva, Ermano caglia, Ch' io chiero sbarattar esta canaglia.

28

Olà, dicette Apollo, via chiammate Tutte sti frabuttune mperteniente, Vengano tutte mò li nteressate, E bia levammo tanta frusciamiente; Ed eccote ca vennero arraggiate Cchiù de cinquantamilia pezziente, Ch' erano co la Peste arrepolute, E a ffa quarera erano mò venute.

29

O che rremmore, o che confosione, O che gride, o che strille, o gran-( n'acciesso ,

Che pparlare confuso a battaglione
De pperzune dell' uno, e ll' autro siesso;
Che bennero pe fa lo paragone,
Senza chell'autre che beneano appriesso,
Quale co ffacce storte, e brutta cera,
Commenzaieno a parla de sta manera.

30

Segnore, a boce-puopolo gridanno, Deceano chisto ccà no ha sbregognate, Napole Scontrafatto probecanno 32 Ed ha pproposte mille fauzetate; Arremuedia, Segnore, a ttanto danno, Perche simmo tutt' uommene nnorate, E perche a lo sproposeto ha parlato, Facimmo stancia, che ssia asiliato.

31

Gente indiscreta, schiuma di tinaccio, (Con licenza d'Apollo) lo Marino Respose, e ddisse, già v'ha dato impaccio, La Verità, che scrisse il Valentino; Volca già dà de mano a lo mostaccio De no capo masardo malantrino, Ma perchè ne' era Apollo llà presente, Fu pe fforza descreto, e ppaziente.

 $3_2$ 

Apollo che stea ntiso d'ogne ccosa, Se nne fece no riso a schiattariello Mprimmo,e ppo co na cera grannezzosa Disse a cchille, ora via, gite in bordiello, Ma pria, che se li faccin le ventose A sangue, dal Ministro Giannitiello; Ma otra de sta pena, avette aviso, Che chi jette 'n galera, e cchi fu mpiso.

33

Vengano appriesso, disse Boccalino, Li nteressate de la Mezacanna, Via priesto abbreviammo lo cammino, E bedimmo chi è ddigno de connanna; Da lo Proemmio accommenzanno, nfino Lo Quarto Parmo, e mmettase da banna Ogn'uno, azzò se ntenna la ragione, E non nasca tra vuie confusione.

#### 34

Vennero leste, e ccorzero a cciammiello Gente de cchiù lenguaggie, e de cchiù ( sciorte,

Decenno: chist' ha finto no Vasciello Guarnuto a buonne cchiù, e mmuto (forte:

Cca se nee deve stare neellevriello, Perzò facimmo mo stanzia de morte; De cch'ù songoce luoche pe lo Munno? Ed a Nnapole sulo fa dà funno.

### **3**5

Llà fa dà funno, e llà se fa sbarcare, E non ne fa lassar' ad autra banna; Se chest' è ccosa de se sopportare, Decitelo, s' è ddigno de connanna; Veda l' Autezza Vostra, che le pare, Faccia che le piace, e che ccommanna; Ma se nuic'n chisto punto la sgarrammo, Mo cercammo lecienzia, e nce nne jamento de considera de la considera de

A cchesto, disse Apollo, Titta, aie ttuorto, Ca sto Vasciello a Nu-pole no schitto, Ne sbarca attiso da l'Occaso, a ll'Uorto, Nce nne so cchiù de chelle, ch'aie tu ( ditto; Io non pozzo sentì, frate, lo stuorto, Ca pe le pposte a mune mun'e stato scritto, Ca Cctate non c'è, non c'è Ppaiese, Che pprovisto no stia de chist'arnese.

37

E ddisse co llecienzia, e po respose A cchille; e ccomme chesto ve dà nean-(na? Donca nfra tanta, e ttanta brutte cose, Chest' una cchiù de tutte assaie v' af-(fanna? O quanta nee nne so cchiù schefenzose A cchille Parme de la Mezacanna, De quale non essennove curate,

Perzo sti belle frutte nue so nnate.

Ma quanno vost' Auterza se compiace Sta Mezacanna mia farla receare, Votato a l'icho io disse, si ve piace, Sì chist' è arrore, lo voglio ammennare. Apollo tanno a chella turba. Tace, Disse, nè ciò vi debbia conturb re; Perchè nella seconda impressione, Certo che aviete sedisfazione.

# 39

Dissero appriesso, chisto a ditto male De la Patria soia, e l'ha nfamata, Che maie non s'è ssentuta cosa tale Da che Nnapole è stata addefecata; Pe cchesto è neurzo npena capetale, Perch'è mmaledecenzia sfacciata; Decite donca attuorno, che ve pare, Chist'è delitto, che se pò scusare?

#### 40

Per farsi strada, e sol per farsi onore, Responnette de luocea lo Marino, Deve ogni uno mostrar il suo valore, O sia nomo di lettre o Spadaccino, Tutto fu zelo di un'amante core Quanto scrisse alla fin il Valentino, Ch' alla sua Patria volse così dire Per il suo ben, ma non per l'avvertire.

#### 41

Di più , questo ch' a voi vi par che dica Per la patria sua, per un sol luoco, 36
Non è così, perchè con ciò v' intrica
Il Mondo tutto, e da per tutto fuoco;
Perchè dunque pigliarvi tal fatica
Quando dovreste prendervelo a giucco?
Deh via non tant'impicci, e tant'impaco;
Uomini senza senno; ignorantacci.

42

Ma perchè sto negozio mme mportava, E cchià de tutte ll'autre mme premeva, Se bè chesta resposta fosse brava, N'auta meglio de chesta, io nne ssapeva; E bedenno ch' Apollo mme zeonava, Che holea, che pparlasse mme pareva; Lo ntise a zinno, e ccossì pprunto, c e chisto muodo secotaie lo riesto.

33

E ddato, e econceduto a cchi se sia P' appelare le bocche de le gente, Ca dico male de la Patria mia, Ch'a cchella voglio fare avertemiente; Dico la veretà no la boscia, Nè le pparole meje songo fente: Ma Apollo disse via passate avanti, Che queste sono accuse d'ignoranti.

Li Quarelante de lo Parmo Primmo
Fuino Femmene in magna quantetate;
E ddissero, Segnore, nuie facimmo
Quarera a cchisto,perchè nc'ha nfamate;
Perzò facimmo stanzie, e bolimmo
Le Mmezecanne soie sian' abbrosciate,
E ppo de cchiù nee vole proibire
Lo mmostare le spalle, e lo bestire.

# 45

Non sapimmo, che ccosa vo da nuje Sto sacco de Gravune, sto Breusso, Nee facimmo la scusa mo co buje, Appriesso ll'ammaccammo chillo musso: Ca cercanno sapè chi sì, chi fuje, Se piglia li pensiere de lo Russo, E nce va sprobbecanno co la penna; Ora, che par'a buie de sta facenna?

40

Venner' appriesso a ccheste li marite,
Ch' a le mmogliere danno libertate,
Facitela, Segnore, da chi site
Dicenno, perchè simmo tormentate;
Le ffemmene parè vonno polite,
Accossi s' usa a la present' etate;
La Cecala 4

38 E se bè proibì nee lo bolimmo, Ogn' uno dice, crepa, io non te stimmo.

47

Papè Satan, Papè Satan Aleppe;
Tanno pe ttanno responnette Addante,
La vergogna vi par che sia giuleppe,
Che vi venga la rabbia a ttutte quante;
Dovea costui dir più, ma più non seppe,
O sesso bestiale, ed ignorante;
Apollo zzo sentenno, disse chesto:
Non viva, chi non vuol vivere onesto.

48

Appriesso a Ddante, lo Ceccliano,
Lo quale fu Ttommase de Messina,
Che co la penna, e ceo la spata 'n mano,
Era pe fa streverie, e gran roina;
Decette, chistu n' ha pparlatu nvano,
Ed è l'opera sò perfetta, e ffina,
E si ccà nei vini si Attorri. e Mmarti,
Sungu ccà iu pè ne piglià li parti.

49

Comu st'-usu sciauratu, e bist'ali Pi forza s'avi, e divisi-suffiiri, Poech'è cuntra la liggi naturali, Comu all'improntu vi farò bidisi?

30

Sciocchi genti, diciti, l'animali Mustranu carni? fannusi cupriri? E bui ch'aviti l'usu di ragiuni, Campati privi di discrizziuni.

50

Po votatose nfaccie a li marite,
Disse, taciti, o Asini nvardati,
Mentri che registrari non sapiti
Na fimmiouzza, e vi n'appaurati;
A cchistu munnu dunca a che sserviti?
Dicitimi a chi fini siti nati?
E Ffebbo tanno co na torva cera,
D.sse, questi son degni di Galera.

51

A lo Secunno parmo, o che terrore!
Che ggreciello! che rric peto! ch'aggrisso!
Che sollevazione! che remmore,
Ca nne restaie lo stisso Apollo ammisso:
Ma chello, che mme deze cchiù stupore,
Fu, che ccierte mercate co lo ghisso,
Ncommenzi ieno a pparlà circa lo Nnore,
E la quarera fu de sto tenore.

52

Chist' ha ditto, Segnore, azzò sacciate, Fra l'autre na fauzissima buscia, Che non vole resposta, ma petrate, 40. Ed è pe ecferto na vregognaria, Ca non se trovano uominene unorate; Che ve nne pare? chi lo ceredarria? Deh provedite ccà, potta de nnico, Ca sto Poeta è ddigno de castico.

53

A chesto non me puotte contenere, Ca pe li late mme sentea crepare, Ed avarria voluto tanno avere Lesto no chiappo pe le strangolare; Ma perche mme cadette lo vrachiere, Lo Cortese mme disse, non parlare, Ed a cchesta fauzissema proposta, Deze sta sollennissima resposta.

54

Chill'è lo surdo, che non vò sentire,
O che ssente, e bo sa de lo storduto,
Ca de sto muodo penza contradire,
E ppassare chi' ha scritto da paputo;
E nno ve vregognate aver ardire
D'abballare a sto suono de leiuto?
Ed Apollo respose, via passate,
E de sto Nnore cch'ù no nne parlate.

55

Ncoppa lo terzo de la Nobertate, Lloco te voglio, Gurcio, a sta sagliuta, Ca venettero prunte, e ppreparate Nirotta gente de pietto, e rresoluta; Deh, Segnore, de enno, castecate Chisto che nuega la Noberta masciuta, E ddice, ca s'acquista co lo stiento, E pparla accussi senza fonnamiento.

56

Addonca potentissimo Segnore, Creddeto s'ha da dare a cchisto schitto, Ch'è no gnorante, e memprece screttore, Lo quale a lo spreposet ave scritto? Addonce s'è scurato lo sbrannore De ll'Antenate, e chist'è gran dellitto; Fictence no po refresseione, E bedite chiha ttuorto, e chi harraggione.

57

Venga qui Marco Tullio Cicerone,
Disse la Maestà d'Apollo tanno,
Quale venuto, e ppuosto ngenecchione
Decette, eccomi Sire al tuo comanno;
Or fate un poco voi distinzione,
Febbo le replicale, del come, ecquanno.
Di questa Nobiltà tanto pregiata,
Quale la vera sia, la più stimata.

Chiamatevi, Signore Tiraquello,
Le responnette Tullio nvolgare,
Autor di gravità, se ben novello,
Quale meglio di me ne può parlare:
Nobile non però stimai ben quello,
Che da se si saprà nobilitare,
R' l' nascere nobil sotto de la Luna,
E beneficio sol della Fortuna.

59

Tiraquello respose mmantenente;
Signore qui vi è Buono de Curtile,
Il quale scritto n' ha distintamente,
In un trattato de Jure civile;
Questo appianare vi pota la mente,
Perch' ave ingegno più di me sottile,
E Buono, quale steva llà becino,
Respose a Ffebbo, e le parlaie latino.

60

Nobilitatis species est triplex, Prima stirpis, et sanguinis vocatur, Et nobilitas haec dicitur siplex (pro simplex)

Nec maximi momenti existimatur; Secundaque virtutis, et est diplex,(pro duplex Aque melior prima reputatur , Tertia mixta animi , et virtutis , Et est optima , caeteris solutis.

61

Apollo ntesa la destenzione
De st'Autore massiccio, e ch'avea ditto
Cose troppo squesite, e ttroppo bone;
Respose, e disse singhe beneditto.
Mi piace questa vostra opinione
Assai più d'ogn'un'altro che n'ha scritto;
Ma della terza specie mi pare
Siano le nobiltadi o poche, o rare:

62

Dicettero ciert' autre con ardenza, Chisto a lo stisso Parmo, de se stisso Ha fatta na sfammata descennenza, Che chi la legge nne remmane ammisso: Tiratene vuie mò la consequenza, Ora considerate vuie chi è chisso; Donca chi d'isso non ha ditto bene, Quale castico mmercta, e che ppene?

63

Circa hoc homo iste non vanescit, A cchesto responnette Giovenale, 44
Nec ex hoc ejus gloria decrescit,
Ca sa che ddice, e no le manca sale;
Laus in ore proprio exordescit,
E chi da se se lauda è n'anemale,
Perrò chi sa che ddice, e lo ecomprenne,
Senza che troppo parla, bè lo ntenne.

64

Ncoppa lo quarto Parmo, uh che besbiglio!
Uh che cconfosione! uh che rroina!
Uh che strille! uh che allucche! uh
(che greeiglio!
Comme fosse sbottata na latrina;
Io'npenzarence sulo nne squaquiglio,
Perchè nfi a le baiasse de cocina,
Ed ogne Portarrobba, ogne bastaso
Vennero pe mme d'a muorze a lo naso.

65

Cappe-negre, Mercante, ed Artescane, E ppotecare, e ggente de mestiere, Segnuro, gente vile, e ppopolane, Cetatine native, e fforastiere; Che stevan' arraggiate comm' a ccane, Pe mme sbranare, e ereo ca volent ere, Si la guardia Todesca llà non c'era, Nee soccedea remmore, o quarche ffera.

E nfra l'autre, si n'era no Todisco, Che de guardia steva lla ppresente, Che mm'aiutaie, cierto ca stea frisco, Ca'n vocca n'averria manco no dente; Ma chillo l'atterrette co no sisco, E le fiece acquietare mmantenente, E dapò la libbarda arvoleianno, Chille atterrette, e mme levaie d'affanno.

## 67

Acquietate che ffuieno tanta mmorre De gente, e che sselenzio fu ffatto, Boccalino, che llà facea d'Attorre, Che destinto parlassero, fec' atto; Dica ogn'uno, isso disse, che l'occorre, E discorra da savio, e non da matto, Ma chi, che zzò già stevano aspettare, Neignaino de sto muodo a spaporare.

# 68

Segnore, avimmo fatta na gran vozza Contra de sto Poeta regnoluso, Che bò che non tenimmo la carrozza, Nè la galessa, o caso desastruso! Castecate sto capo de cocozza, Chisto maledecente nvediuso, 46 Chisto, che ssempe pogne, rode,e ttarla, E ffacite decreto, che non parla.

69

Satisfacite prius creditoribus,
Respose Giovenale arditamente,
Quia currus non licet debitoribus,
Ma sulo a cchi de debete sta assente;
Neque illis, qui vivint de laboribus,
Che n' hanno, comm'a ddire, pedamente,
Ca sta baggianaria non serve a nniente
Si po li figlie restano pezziente.

70

Nec invidus alterius macrescit
Rebus opimis, comme disse Arazio,
Nam omnis pompa facile puttescit
S'avesse trecient'anne, e ceniù de spazio,
Moritur omne totum, et senescit
Ogne baggianaria, ca Titta è ssazio,
Chiù de chillo, che tene la carrozza,
Che sarrà no gnorante, no scatozza.

71

Venette po no cierto gnorantone, E ddecette, Segnore, chist'ha fatto Nîra l'autre no grossissemo marrone, Che chi lo legge, resta stopafatto; Ditto non l'averria manco Sanzone, Avenno scritte soti'a lo retratto No mutto, che nzermone latenisco, Pare che ddica, a ttutte v'atterrisco.

### $7^2$

Lo Cortese sautato 'n vezzarria,
Respose, e ddisse, va ca chell'è brenna,
Retratto, lo malan che Dì te dia,
Che retratto? la funa, che te mpenna:
Va, ca si no gnorante, e non faie cria,
E chi lo dice, è ssigno, che no ntenna,
N'è lo retratio no, ca staic'n arrore,
Lo scritto è chillo, che te dà terrore.

# 73

Dapo chesto comparze a s'e contese No cierto spata, e cappa de Leone, Azzoè, comm'a ddicere Franzes, Contrario de la nostra nazione; Lo quale n una cosa se defese, Ch'io ditto male avea de lo vracone, Zzoè de lo bestire spampanato, Quale a la Mezacanna aggio tacciato.

# 74

Nehesto lo nnoratisse no Spagniuolo Priesto mme defennette a spata tratta, 48
E ffattose cadè lo ferraiuolo,
Mese mano a na spata corta, e cchiatta
Decenno; caglia piccar verganzuolo,
Io no sò, quien me tien, que non te
( matta,
Este hombre ha dicho bien, ha bien
( hablado,
Quien dize lo contrario, es sbergonzado.

75

Lo povero Franzese guatto guatto Senza pepetà cchiù se la shegnaje, Ed Apollo de cchiù le die lo stratto, Ca vole a lo Rre nnuostro bene assaje; E po fece no banno co no patto, Ch' a la presenzia soia nnaterno maje Nullo se vesta d'autra forma, e ssola Che se vesta polito a la Spagnola.

. 76

Quanno io vidde, ch' Apollo defenneva La Parte Spagnolesca, pigliaje armo, E ntra la mente mia cossi ddeceva, Mo si ca pozzo fa quarch' autro Parmo; E sott' uocchie m'addono, che scriveva Co no scarpiello ncoppa de no marmo Trojano Boccalino, e rregestrava Quanto Apollo deceva, e commannava. Appriesso po comparze no Toscano Pe ttutta quanta l'oneverzetate De la Crusca, decenno per certano Costui meriterebbe gran sassate; Che volendo parlare Italiano Con barbare parole ha già fiutate Gl'idiomi cruscheschi, e peritare Non ha curato, e pensa berlingare.

78

Per questo supplichiamo Vosti'Altezza, Comandar sotto pena di pugnazzi, Che poeta, o persona non avvezza A voci sute in uso, c'imbarazzi; Costui con usitar la sua goffezza, Vuol' i Toschi arbitrar da quattro a (mazzi;

Fate Signore in questo Concistorio, E ssoccorrete, e ddateci ajutorio.

79

Apollo quanno ntese sto pparlare,
Crediteme ca s'appe a scevolire,
Ca de riso pe ccierto appe a ccrepare,
E le Mmuse n'avettero a mmorire;
Po Febbo disse a Ddante, che vi pare?
La Cecala

50 Intendete costui quel che vuol dire? Dichiaratelo voi, perchè a voi tocca, Ch'io per me non n'intendo na spa-( gliocca.

80

Dante disse, Segnore, e Duce eterno
Non si voglia per questo conturbare,
Perchè costui non sà l'uso moderno,
E la forma del nuovo poetare;
Però per quel ch'al mio parer discerno,
Atteso non si sà bene esplicare,
Vuol dir, che questo tal Napolitano,
Dovea cantando serivere in Toscano.

81

Perche con quelle voci, par che voglia Spreggiar lor' Idioma sì polito, E trattar i Toscan da Zucandoglia Com' ei fusse di quelli più perito; Per questo il Tosco parmi che si doglia; E ne senta dolor quasi infinito, Che con questo parlar così la Crusca Vogli vituperar come l'Etrusca.

82

E la ca stale mbriaco, lo Cortese, Co llicienzia d'Apollo le respose,

5.

E se pe cchiste vuoic piglià la mprese, Da mo può i a ppescare a le bavose; Parlammo a li'uso nuie de lo Paiese Nuosto, e ddecimmo assaie cchiù mmeche Characa, la companie companie

Che fuorze n' hanno ditto tale, e quale, Che non so ddigne de cauzà stivale.

### 83

Lo Grieco parla Grieco, e lo Latino
Parla comme se deve latinisco,
Chi è de Sciorenza parla Sciorentino,
E li Todische parlano Todisco;
Pe celesto ha ffatto Juono Valentino,
Che pozza sempe stà chell' arma nfrisco;
E dapò chi lo sforza, e cchi lo mpigna
Fare quanno n'è llizeto la seigna?

### 84

Bravo respose Apollo, hai detto hene, Ed hai certo risposto con prudenza, Perchè le mie scanzie son tutte piene Di Poesia Toscana, e di Provenza; Però de' pari suoi, par che le vene Abbia affatto perduto la semenza, Atteso ogn' ora qui compare un Tosco, E de' Partenopei pochi conosco. Segnore, cierte Sdamme a la nterlice,
Dissero, chisto vo che li crejate
No nne tenimmo tanta, e ssempe dice,
Le spese sonco assaje, e ppoco ntrate;
Ca no balimmo manco pe n'alice.
Simmo senza jodizcjo, e stralunate;
Besogna fa accossi, ca se sparagna,
Poco se spenne, e mmuto se guadagna.

### 86

Chessa è cconzurta proprio de no frate, Respose Apollo, e sse crepaie de riso: Lo bene nehesta forma nquantetate Potite avè sentenno chisto aviso: Orsù no cchiù pparole, sparagnate, E quanto avite ditto avimmo ntiso; Fate così al fin, e m'intendete, E non vi querelate di Poete.

### ٥7

Apollo po non potte cchiù soffrire

Tanta doglie de capo, e ttanta ntriche,
Perch' era notte, e bolea i a ddormire.
Ca le stelle parevano formiche;
No cchiù chiacchiare via, diamo a fi( nire,

Decette; e diamo fine a tante briche; Si chiamino via presto i Consiglieri, Accò dicano in questo i lor pareri.

88

Li Conzegliere furno Vorpiano,
Accurzio, Nerazio, e Mmarziano,
Caio, Marciello, Cierzo, Giuliano,
Sorpizio, Varo, ed Ermogeniano;
E cco chiste porzi Papiniano,
Scevola, Calestrato, ed Afrecano,
Legeslature de l'antica etate,
E pe ttutto lo Munno nnommenale.

89

Paolo de Castro, Bartolo, Aretino, Baldo, Cravetta, Ripa, ed Ancarano, Jasone, Oltrado, Zasio, e Soccino, Tiraquello, Panormita, c Ccomano, Dezio, Cassaneo, Boerio, e Ddino, Capece, Bella-Perteca, e Rromano, E tant'autre Dotture, e Ddottorio hie, Che se bè non contaie, furno paricchie.

90

Fuino chiammate, e bennero volanno, Ch'Apollo, quanno vo, se fa stemare, Ed arrevate; pronti al tuo comanno, 54 Dissero, cecoci qui, ch'abbiam da fare? Apollo replicaie tanno pe ttanno; Io so ben 'ch' assai pochi appareg;iare Vi possono nel Mondo, ed ho raguaglio, Che descernete la fico dall' aglio.

91

Voi dunque tutti, che squadrate i testi, E fate chiaro con il vostro ingegno, E con glose, paragrafi, e digesti, Già di Minerva governate il Regno; O: fate la sentenza pronti, e presti In favor di chi più ne sarà degno: Li quale reteratese nn'assenza Fecero de sta forma la settenza.

 $9^z$ 

Visis videntis, atque perquisitis
Omnibus actis, una cum scripturis;
Et Partibus adversis quoque auditis,
Valentinum inveninus in puris;
Eundem ideoque ab impertitis
Liberamus, absolvimus, ut juris;
Proinde adversae partes repellantur,
Et nullo modo prorsus audiantur.

93

Avuta la settenzia nfavore, Rengrazio Apollo, e cchille Conzegliere, De la jostizia nzieme, e de lo nnore Fatto a no zemprecone, a no sommiere; Po mme votaje a cchillo gran Segnore, Che ddespenza le ggrazie volentiere, Decenno, Vost' Autezza si cammanna, Faciteme zeccà la Mezacanna.

94

Venga, decette Apollo, il Caporale,
Uomo nelle misure esperto, e saggio,
Che l'ho stimato, e stimerò per tale
Per fin che dura il mio potente raggio;
Io con Titta voglio esser liberale,
E per questo vò farli un beveraggio,
E vò che veda l'opra, e che la zecchi,
A dispetto del mondo, e de suoi Becchi

95

Gesare Caporale la leggette
N'autra vota da capo, e ddisse, o bravo,
Chesta n'è Mmezacanna, so Ppannette,
Si Ddio mineguarde ll'arma de mio vavo;
Cierto ca ponno i pe le ggazzette,
E basonnome disse, te so schiavo.
Ca parle chiaro, chiatto, franco, e
( ttunno,
E si be piglie grancie, pische a ffunno.

Che perrò te la zecco de buon' armo,
Co lo sigillo de l' eternitate,
Primmo, Secunno, Tierzo, e Quarto
(Parmo,
Comme d'oro massiccio, e po nnaurato:
A ttavola d' aurunzo, e non de marmo,
Azzò siano nnaterno conzarvate,
E pe ffede, ca già t' aggio revisto.
Sto Poemma a lo G. te lo registro.

### 97

En frutto po zeccata ch' appe chella,
Tirateme da banna, disse, siente,
Ca pe la fa parere assaie cchiù bella,
Te dongo scritte cierte documiente;
Cossì mme conzegnaie na cartoscella,
Dove erano paricchie avertemiente,
Azzò meglio sprecannome, potesse
Agghiognere, e mmancà zzo che io
( volesse.

# 98

Voz'io tanno pagà la zeccatura, Ma chillo llà mme fece no vernacchio, E po mme reprecaie co na sbravura, Tecridetu, ch'iosia quarche Bozzacchio? Mparnaso quann' è ghiusta la mesura, Non se paga nè ppenna, nè ppennacchio, Perchè a sti luoche non regna malizia, Nè se venne, o s'accatta la Jostizia.

### 99

Vennero tanno a fa prejezza, e sfesta L' ammice a reallegrarese co mmico, Comme chi scappat'è da na tempesta, O che sciut'è da 'quarche gruosso ntrico; O comme chi scappato è dda la Pesta, Ed allegrezza nn' ha cchiù de n'ammico, O comme quanno chi s'è addottorato, Che da chiste, e da cchillo eje ab-( bracciato.

# 1110

Llà otra lo Cortese, e Ccicco Giusto,
Vediette puro Titta Breazzano,
Che ddevano ad Apollo spasso, e ggusto
Co lo bello parlà Napoletano;
Li quale nne che beddero sto fustu,
Mme vennero a ppigliare pe la mano,
E ddissero, paiesano benvenuto,
De te vedere ogn' uno stea speruto.

#### 101

Ora si fosse granne l'amarezza

De li male contiente, e de nnemmice

58
Ora si fosse granne la preiezza
Non solamente mia, ma de l'ammice,
L'abbesogna passà co ssegretezza,
Perchè non è ccreduto chi lo ddice;
Nzomma restaie contento de manera,
Comm'a cchillo ch'è sciuto da Galera.

SCOMPETUBA DE LO PRIMMO CANTO.

# LO

# COMMANNO

# D' APOLLO.

A Ssoluto da cheste bagattelle,
Apollo stautemente mme commanna,
Nfrocecato porzi da le Ssorelle,
Che le stevano rente da na banna;
E ddisse, canta omai cose più belle,
Già che grata mi fu la Mezacanna,
Che con stil più fecondo, e miglior metro
Vò far cantarti, e con più dolce pletro.

Io che cchiù de no Ruospo, o no Scorzone Stea de venino tutto ntossecato, Si bè ca steva nnante a lo Patrone, Mine parz'a mme da fare lo ntosciato; E ttanto cchiù, perchè nu'avea raggione, Ca p'avè co le Mmuse prattecato, E da che faccio st'arte de Poeta Mine ruoro de la famma, e de la seta. Merzè li Roffeiane, e li Boffune, Che sò prezzate assaie lo juorno d'oie, E cco l' Adolature li spiune, Che so stemmate comme tanta gioje; Chiste ccà de lo Munno sò ppatiune; La Poesia ched'è Bitella o Voje? Perzò decenno co llecienzia vosta, Ad Apollo io facette sta resposta.

4

Mme perdona, Segnore, Vost' Autezra,
Ca non sò cchiù pe serivere na tacca,
Si mme disse de Crasso la recchezza,
O mme disse ogne bierzo na patacca;
Datel' a chi la vò sta contentezza,
Facciala chi la vò st'arte vegliacca,
Cchiù priesto voglio fare lo Boffone,
Ca fuorze avanzo de connezione.

5

Ca de le scienzie, e arte leberale, La cchiù ppezzente è la Felosofia, Accompagnata nzieme co la quale Senza cauzune va la Poesia; E ll'una, e ll'auta sta senza pedale, Ca la necesactà l'è mmamma, e zia, E spisso vene manco a ste pperzone Zzò che ntavola resta a no Bossone.

6

Nè ssò cchiù chille tiempe già passate, Ch'erano ntanto priezzo li Poete, Da Corune, e da Princepe stemmate, Comme si state fossero Profete; Nè manco nce sò cchiù li Mecenate, Che li vierze cagnavano a mmonete: No nce sò cchiù chill'uommene, che fforo, Che devano pe bierze argiento, e oro.

7

Nfrutto no nee sò cchiù chelle pperzone, Qual' eran' a lo Munno ntiempo antico, Che mmagnà non poteano no voccone, Quanno no ne' era no Poeta ammico: Mo si non hanno accanto no boffone, Non se ponno magnà manco na fico; E si restà volite stopafatto, Vonno de lo Boffone lo retratto.

8

Perzò sbeluta s'è la poesia,
Perzò se trova dinto a li spetale,
E ddinto le Ttaverne, arrasso sia,
E pe li Banche, e p'ogne Trebonale;
La Cecata 6

62
Pe ttutte li cantune, e p'ogne bia
Nee songo ech ù Ppoete, che Ceccale,
E de cchiù no ne'è Corte de Segnore,
Che no poeta n' ha pe sservetore.

9

Chi fa lo Scarco, e chi fa lo Vracciero, Chi lo Sinneco fa, chi l' Asattore, Chi fa lo Maggiordommo, o Cammaniero, E chi sta sotto nomme de Fattore; Chi vace, e bene a muodo de Corriero, Chi fa lo Cuoco, e chi lo Compratore, Si puro quarche bota non facesse Lo Romma; Febbo disse, che ttacesse.

10

Noe ne sò pe ste sbarre, e ste ggabelle, Ch' astritte da la gran necessetate Stanno pe s' abboscare doie panelle, Ch' a bederele cierto è na pietate; Vide s' hanno contrarie isse le stelle, E ccomme li Poete oie sò ttrattate, Che non ponno trovà morata stanza, Merzè de l' Avarizia, e la Gnoranza.

1

Nè ccosa nc'è, che mmanefesta, e cch'ara No ve sia potentissimo Segnore, Reprecaie, già ch'Andrea de l'Anguellara Morette a Rromma comm' a sservetore, E lo nuosto famuso Sannazara, Besognuso morì con gran dolore; l'Ariosto, e lo Tasso li meschine, Non morettero misere, e ttapine?

#### 12

Io che mparaggio a cchiste sò no niente, lo che sò no sciaurato, no gnorante, Io ch'a pparo de st'uommene sacciente, Sò, non dico Poeta, ma Pedante; Chiste addonca con essere valiente, Appero la Fortuna poco amante; Io mò che mme caposco p'anemale, Dubbeto non morire a lo spetale.

#### ւ3

De cchiù, l'Autezza Vost'ave già ntise Li contraste, li riepete, e l'accuse, Fatemme da frabutte, e spoglia-mpise, E da cierte gnorante scropoluse; Creparraggio lo fecat'anne, e mmise, E mmaje abeto cagnano le Mmuse. Madopo gran trapazze, affanne, entriche, Perdo ll'uoglio, lo suonno, e le ffatiche.

### 14

E po de cchià mme vonno sennecare C'erte ch' a ppena sanno l' A B.C. 64
E ccierte che non sanno competare,
Che gnorante saranno cchiù de me;
Donca pe v'obbedire, aggio da stare
Sottapuosto a gnorante, ne lo vè;
Ora uon sia pe dditto, e no mme sona.
Nchesto l'Autezza Vostra mme perdona.

### 15

No nce metto le spese, e li denare, Che ppe stampà se spenneno a la storza; E si lesto no staje a lo ppagare, Abbesogna mpegnarete pe fforza: A bost' Autezza donca che le pare? Perchè devo gliotti ste mmale morza? Addonca che mme serve sto ccantare, Schitto pe ccrepà l'arma, e pe mpegnare?

# 16

Ma tutto chesto te, non sia pe dditto, E che nfunno de maro sia jettato, Pozza scriare, e se nne vava a mmitto Tanto nteresse ch'ammanca lo sciato; Perrò mme dà fastidio chesto schitto. Ca li Poete d'oie hanno acquestato No brutto nomme, che sta nvocca a (ogn'uno; Perrò de st'arte vorria sta dejuno.

Apol'o mò, che ppenetra le stelle,
Mnie ntese a zinno, e ppriesto mme
(respose,
Decenno, oibò, son queste bigattelle,
Aè mi fate sentir più queste cose;
Son queste dicerie di genterelle,
Di persone ignoranti, e invidiose;
E poi chi con quel nome fur tacciati,
Furo i Poeti dell'antiche etati.

### 18

Jeva cercanno già pe nime nne ire, Pe ppotè fa de manco de cantare; Ma non sapeva dove mme spartire, Ne che mimuodo tenè pe mme scusare; Voleva, e non poteva contradire, Nè ssapea tra me sisso, che mme fare, Po non potenno chiù, disse, Segnore, Voglio cchiù priesto sta pe sservetore.

#### 19

Voglio cchiù ppriesto fa lo Sagliemmanco, O voglio fare lo Commeddeiante; Perchè tanno parlà pozzo cchiù ffranco, E nnullo nime farià lo soprastante; Che facenno cossì fuorze a lo mmanco, Comme a ll'autre, m'abbusco li contante, Dicano 22ò che bonno le pperzone ; Perchè nfrutt' ogne ccosa è openeone.

O che mmeglio me fosse scesa gotta, Quanno m'ascì da vocca sta parola, O puro comm' a ddicere da sotta Mme fosse sciuta quarche fommarola, Perchè Apollo sosutose de botta, Justo comm' a n'auciello quanno vola, S'auzaie nfi a cquatto parme, e cchiù ( da terra.

E nforiato sto locigno afferra.

L'opinion tu già l'hai rifiutata, Ben mi ricordo al palmo dell' Onore, Ed hai pur detto, che vien reprobata, Perchè in effetto egli è commune errore Oggi quella ti sei dimenticata, Di donde nasce questo balordore? Apri gli orecchi, intendi quel ch'io dico, Poich' ancor tu inciampasti in quest'in-( trico.

E disse: io tengo pe na Pappamosca Quello, che di virtù n'è dilettoso, E che sia così ignaro, e non conosca, Che virtù sola far lo può famoso;

Con tal parlar mi fai salir la mosca, Deh via siate di gloria ambizioso, E ssequetanno sto pparlare disse Sta settenzia, la quale io mme la scrisse.

#### 23

Non saie tu, che due cose ponno fare Viver l'uomo nel Mondo eternamente, E lo ponno per sempre immortalare, O sia da me lontano, o sia presente; Una quanno fa cose singolare, Degne d'essere lette da la gente, L'altra quanno fa l'uomo cose invitte, Degne da buone penne essere scritte?

### 24

E perchè quel Poema c'hai tu fatto, Certo, che l'hanno avuto a caro tutti, Ed io ne son rimasto stupefatto Gustanno si maturi, e nobil frutti; Canta, ch'io ti prometto con un patto, A dispetto de'zanni, e de'frabutti, Che non ne passerà meno d'un mese, Farete appareggià con il Cortese.

#### 25

Atteso questo stil molto mi piace,
Mi diletta più molto anche il linguaggio,
E sopra tutto ancor mi sodisface

La rima più d' ogn' altro di vantaggio; Sò pur che di cantar non ti dispiace, E spero con l' ajuto del mio raggio, In questo stil di renderti immortale, Però col condimento del tuo sale.

26

Ma perchè quanno prega no Segnore Cchiù de na vota, tanno te commanna, Obbedisco, io respose de buon core, Ed ogne ffantasia metto da banna; Perrò voglio da vuie n' auto faore, E mmettiteme po no fierro neanna, E si sò mpertenente, lei mme scusa, Decitem' a chi dedeco sta Musa?

27

Or tu mi fai veder, che 'l Mondo tutto'
Sia già finito, e non vi siano genti,
A chi piaccia si degno, e nobil frutto,
Forse non vi son uomini intendenti?
O pur'egli sarà quasi distrutto,
Ch: per te premiar siano impotenti?
Dinmi or tu la ragion dunque qual'e?
A che fin tal dimanda? dì, perche?

Cossi decette Apollo nforiato, Ma jettanno da l'uocchie sciamme, e ( ffuoco,

Ed io vedenno chesto ammarecato. Volca foire, e non sapea 'nche lluoco; Ma quanno vidde, ch' era sforiato, Quant' avea ditto mme lo piglio a (ghiuoco;

E cco pparlare temoruso, e onesto, A lo pperchè, le responnette chesto.

20

Ca se dedeco a rricco, co speranza, Che mm' aiut'a la stampa, no nce sente; Respose, perch' è avaro, e n'ha crejanza, E pe ttre calle te darria no dente; Si dedeco a chi sà, non ha possanza, Ca sarrà cchiù de mme fuorze pezzente, E cossì fatecanno senz' abbiento. Fatecarraggio sempe pe lo viento.

Ca nc'è ommo, che llesto te darria N'uocchio de facce primma, che te desse Na gentilezza, o na galantaria, Perchè lo scanna ncanna lo nteresse; L'uommene, se sò date nguittaria, E lo bolesse Ddio, che nne mentesse, Perchè stimmano vizie le bertnte, E li cchiù biziuse pe ssapute,

O si l'opera duone a no zerrone, Credennote d'averne quarche ffrutto, Chillo lo piglia p'obbrecazione,

70 E se nne passa bello zitto, e mmutto; Nzomma s'è pperza la descrezzione, La crejanza vestuta va de lutto, Si puro da chi sà, che n'ha mesura Fatta non mme sarra quarche censura.

32

Com' è possibil questo, e fia pur vero?
O'mè che dici? io qui resto conquiso,
Tu mi vuoi far vedere il bianco nero,
Respose Apollo co tturbato viso;
E se in ciò ti ritrovo veriticro,
Avendone d'altron le qualche aviso,
A dispetto del Mondo empio avarone
Vò farne un'aspra dimostrazione.

33

Perrò hasta che sia l'opera degna,
O che vi sia, o no dedicatoria,
Nè vò ch' alcun Poeta più s'impegna
A fur de'fatti altrui nulla memoria;
Ma sol nella sostanzia s'ingegna,
Atteso ogn'altra cosa e frustatoria,
E.voi con questo sarcte contenti,
Ed io non sentirò tanti lamenti,

34

Oltre che per non stare a tanti guai, Farò ben presto un banno pubblicare, Che Poeta nessun, nè mò, no mai Incorra in pena per non dedicare, Per questa volta sola tu potrai A chi ti pare, e piace dedicare, E se far non lo vuoi, tu sci padrone, Ga non per questo n'anderai priggione.

35

Ma io cchiù pprunto responnette appriesso, E disse, vorria n'autra contantezza, E ve straprego, che mune sia conciesso St'opera dedecarla a vost'Autezza; Ca no ve voglio fa quarche prociesso, Mà quatto, o cinco ottave p'allegrezza, Ca Marone porria, non Valantino De li grolic voste parlà nchino.

36

Nè ppe chesto, Segnore, te sdegnare, Già che sì ttutto amore, e cortesia, De sta goffezza mia, de sto pparlare, Pocca vole accossi la Musa mia; Io non pretenno de v'ammortalare, Ca pe sta penna cca sarria pazzia, Ca lo vuostro sbrannore è ttanto, e ttale, Che da se stisso fatto s'è nimortale.

37

Isso co ffaccie allegra, e bocca a rriso Non disse sì, ne no, ma stette zitto, Ed io ntra me decenno, t'aggio ntiso, Perchè chi tace afferma, trovo scritto; 72
Boccalino porzì mme dette aviso
Co na zennata, che mme fece schitto,
Ed io co ll' uocchie vascie, e sottomisse,
Votatome ad Apollo, cossì ddisse.

38

O de li Cavaliere accoppatura,
Azzellente, e mmagnanemo Segnore,
Tu che mentre lo Munno gira, e ddura,
Sì de tutta la Talia auto sbrannore;
Scarfa co li tuie raggie sta freddura,
Pe cquanto te sò schiavo, e sservetore;
E s' attrevisco tauto, è pperchè io
Conosco vuie pe bero Apollo mio.

39

E che buie site Apollo veramente,
Lo ssanno tutte, e non è ccosa nova,
Pocca li requesite competente
Songo già cchiare, ed eccone la prova;
Perchè s' Apollo è ppatre de eveente,
Che co li ragge a chi resguarda giova,
Quanno Vost'Azzellenzia tene mente,
Sa co n'occhiata consolà le gente.

40

S' Apollo è bello, comm' a cchillo ancora L' Azzellenzia Vostra è bell' assaje E sì la luce soja tutte nnammora, Tu tutt' Auropa nnammorata l' aje; S' Apollo nnanz' ad isso ave l' Aurora, E tu co cchella accompagnata staje, E s' Apollo sbrennente assaie se mostra, Non pò arrenare a l' Azzellenzia Vostra.

41

S' Apollo co le Mmuse allegramente Sta d'ogne ttiempo ncommertazione, E ttanno sta festante, e sta contente, Quanno sente Poemme, e ccose bone; L' Azzellenzia Vostra veramente Stace puro co Apollo a pparaone, Perchè si chillo è de le Mmuse ammico, Le Mmuse d'ogne ttiempio sò co ttico.

42

Le Mmuse autro non sò, che le bertute, E le Scienzie, e ll'Arte leberale, ` Quale vanno pe l'uommene spartute Chi n' ha una, chi doie, chi manco sale; Ma da Vost' Azzellenzia possedute Sò ttutte quante pe bertù fatale, Perrò la Poesia, nfra tutte quante Ve mantene cchiù alliegro, e cchiù (fiestante.

La Cecala

E s' Apollo anima assaie la Poesia,
E li Poete puro estremamente:
De qualonca carata, che se sia,
O sia vascio, o mezano, o sia emenente;
Io puro spero, ch' a sta goffaria
L' Azzellenzia Vosta tenga mente;
E si quanto dic' io non và no zero,
So Azzellenzia nne piglia lo penziero.

## 44

Ma la Musa spezzanno sto pparlare, Mme disse, zitto, co lo dito 'n vocca, Co chi te cride tu de contrattare, Ch' aie commenzato a fa ssa felastrocca? Era cosa pe tte propio laudare N' Eroe si granne co ssa lengua sciocca.? Piezzo de catapiezzo, Mammarone, Fuss' Ennio, Terenzio, o lo Marone?

## 45

Apollo non pe cchesto se sdegnaje Perch' è Ssegnore sopra li Segnure, E li gnorante compiatesce assaje, E ddace a cchille a ttommola favure; Ma puro a pprimma faccie m'agghiajaje, E mme se commovettero l'omure;

75

Perrò co ttutto chesto mme sforzaje, E chist'autre otto vierze sequetaje.

46

A buie donca, Segnore, chesta Musa, A buie lo ngiegno, la manmoria, e ( ll' arte, A buie sta rozza mente mia confusa, E l'angresta, e la penna, e ccheste ccarte Ve. dono, v'appresento, ma mme scusa, Si avesse fatto arrore nquarche pparte; E ttanto spero da no gran Segnore, Ch'è uso a pperdonà chi face arrore.

47.

E isso nchello stante responnette,
Co cchella bella faccia resbrannente,
E co belle parole mme decette,
Affè te si pportato da valente;
Dapò na certa porvera mme dette,
Che mme fece sei mise sta contente;
Ma chello che nnotaie de sto Segnore,
Fu la gran cortesia, lo grann' ammore.

48

Io tanno tutto chino de prejezza , Mme votaie nfaccie a cchella Maicstate, Decennole , rengrazio Vost' Autezza 76
De le grazie da me non meretate;
Ed isso, qual'è tutta gentilezza,
Mme disse, te l'aie certo mmeritate,
E di quanto hai bisogno vedi, e penza,
Che m'avrai pronto in ogni tuo occor-

## 49

Ve sò schiavo, io respose, gran Segnore, Nè ve pozzo co llengua ngraziare, Ma co lo proprio sango tanto nnore, Che mme facite, vorria compenzare; Perrò voglio da vuie n' autro faore, Pe cquanto le Ssorelle ve sò ccare, Dateme na materia, che ccantata Maie da nullo Poeta non sia stata.

#### 50

Ca pe ttanta Poete nzanetate,
E Ccrusche, e Ttosche, e Ttrusche,
( e Forastiere.
Pe ve dire lo vero, sò asseccate
Tutte le mmenziune, e li penziere;
Nè nce sò cose, quale reprecate

Tutte le mmenziune, e li penziere; Nè nce sò ccose, quale reprecate Non sian'oie, perrò dette da l'autr'iere, Nzomma quanto se stampa, e bace at-(tuorno

Liegge che buò, ca semp'è no taluorno

Sarva pace perrò de chille tale Ch'h.nno scritto, ma scritti co ssodezza, Azzoè a ddi, co lo stile natorale, Comme nce l'ha conciesso, Vost' Au-( te/za; E non comm'a cciert'aute, tal e equale, Che co na faccie tosta, e co firanchezza Arrobbano penziere, e mmenzciune, E sò ttanta Papurchie, e gnorantune.

52

Perro se mme volite fa faore,
Dateme no soggetto quale sia
De gusto a chi lo legge, e a mme dia
( muore,

Senza di male de la patria mia; Azzò non senta quarche riecramore L' Autezza Vosta, ed io contento stia, Senz' avè cchiù cquarere, e mmanco ( accuse,

E che non se nne sdegnano le Mmuse.

53

Io ti giuro per l'alma di Latona, Decette Apollo, che ti voglio dare Una Materia certo molto buona, 78
Ch'a nessuno l'ho fatta mai cantare;
Questa al sicuro porterà corona,
Certo che sarà cosa singolare,
E ti giuro per l'anima di Giove
Mio Padre, che saranno cose nuove.

## 54

E s'altro vuol, son qui per sodisfarti, Perchè ti stimo molto, e t'amo assai, Come se fussi mio fratello Marte, Dimanda pur che vuoi, che l'averai; Nè da me certamente tu ti parte, Se non mi dici quel, che bisogn' l'ai, Se vuoi acqua, vuoi vena, o cangiar (Musa, Lo farò, per la vita di Larfusa

Lo farò, per la vita di Lanfusa.

55

'Nquanto a la vena, disse, io sò contente
De chella ch' aggio, e dd' acqua ne stò
( ssazio,
Nè Mmusa cchiù ffestante, e cchiù ba( lente
Voglio d' Euterpe mia, che mme da
( sfazio;
Ma pe n' esse repriso da la gente,
Vorria n' autro faore, e ve rengrazio,
Che lliceto mme sia na cosa sola,
Ntoscano arrepezzà quarche pparola.

Comme ca commerzeio co ggente bone, Co ttutto ca non vaglio no cavallo, Voglio perzò dà saggio a le pperzone; Ca saccio io puro fa lo Pappagallo; Dateme addonca chesta sfazione, Azzò non me sia ditto, aie fatto fallo, Ca co cchesta lecienzia sò scusato, Dico che boglio, e non nne sò ttacciato.

57

Ed isso, che nnegà non sa piacere
A chi nce l'addommanna juste, e one( ste,
Respose, e ddisse; molto volentiere,
Perch'a i meriti tuoi culla son queste;
Nè tal domanda è fuori del dovere,
Attese l'opre quando son conteste
Di variate foggie, e più colori,
Sollevano la mente, ed anco i cuori.

58

Ed io quale co Apollo m' era fatto Quase frate carnale, mme credette De lo pigliare a ppoco a ppoco a ppatto, E cco la confedenzia le decette: Già che m' avite ntutto sodesfatto, ão No mine facite sta le borze nette, Perrò soppreco, e pprego Vost' Autezza, Mine faccia sta no poco co allegrezza

# 59

Azzò mme pozza fare no vestito
De velluto, o de raso tramezzato,
Ca co ghi cchiù ggalante, e cchiù ppo( lito

Sarria cchiù benvoluto, ecchiù stemato; Ched'è ca mme levate st'appetito, Ca no ve cerco fuorze quarche stato, Nè no palazzo, o quarche mmassaria, Ma lo decoro de la Poesia?

## 60

Sei forse Saltinbanco, o Giarlatano?
Quase aderato Apollo mme respose,
Vuoi forse acquistà nome di baggiano,
Con veste a te non lecite, e pompose?
Sia da te dunque tal pensier lontano,
E chiedimi che vuoi, non queste cose,
Atteso è de' Filosofi, e Poeti,
Il vestir parco, e'l vivere discreti.

## Ġτ

Però ti dico non sperar d'avere Denari, e Poesia, che l'hai sgarrata, Fa che passi da te cotal pensicre, Che non van questi, e quella accom-(-pagnata; Perchè dov'è virtù, devi sapere, La Fortuna si mostra sempre ingrata, Ma dove son ricchezze, e son denare-Mai vera Poesia si può trovare.

## 62

La povertate è mal rimediabile,
Che con gran faciltà si può guarire,
Ed è per certo cosa sopportabile,
Che ben si può da tutti sofferire:
Sol l'ignoranza è mal più ch'incurabile,
Il qual da tutti devesi abborrire,
E ti conchiudo, intendimi in sostanza,
Meglio è la povertà, che l'ignoranza.

#### 63

Le ricchezze svaniscono, e con quelle De' ricchi anche svanisce la memoria, La virtù sola, mentr' in Cicl son stelle, Dura nel Mondo in sempr' eterna gloria; L'altre cose son tutte bagattelle, Non degne mentovarsi nell'istoria, Se mentovate, non per darli vanto, Ma per vituperarle d'ogni canto. E lo vero, io respose, ma mme spiace Ca non da tutte quante songo ntiso, Ca ne'è cchiù d'uno, che non è ceapace De zzò che ddico, e se schiatta de riso, Chi mme dà de satireco, e mmordace No titolo, perchè se sent' affiso, Chi mme dice n'avive autro che ffare? E chi ca piglio cane a ppettenare.

65

Deh lasciali crepar questi bricconi,
(Apollo replicaje) quest' ignoranti,
Nati sol per empirsi quei ventroni,
Ch'ogn'un di lor non vale tre quadranti;
Basti ch' abbi per te gl' uomini buoni,
De non stimar pur nulla gli Elefanti,
Che queste bestiacce altro non sanno,
Che far pompa di loro, e non fan danno.

66

Contentati tu dunque d'esser stato
Da me con sommo onore ricevuto,
E da tutta mia Corte anche stimato,
Che tal favore a pochi è conceduto;
E di più negli annali registrato
Star, ed esser dal mondo benvoluto,

Ed anco morto vivere nel Mondo, Pensa or tu, se v'è stato più giocoudo.

67

Io pe ttornare a Nnapole nnorato,
De mme lecenziare avea gran voglia,
Schitto penzanno farme no pegnato
Addoruso co ccaso, carne, e ffoglia,
Quantunque poscia llà fuic ben trattato,
Ca maie comparze ntavola sta mbroglia,
Ma galline, pollastre, e ppastecciune,
E cerapitte, e rrecotte, e mmaccarune.

68

M' addenocchio d' Apollo a la presenzia, Signò, io ccà no ne'aggio autro che fare, Si Vost' Autezza mme vò da licenzia, Disse ntoscano, mme nne voglio andare; La copia vorria de la settenzia, Ca la voglio a lo Munno probecare; Ma mprimmo la materia commessa, Azzò ch' io pozza far troppo con essa.

69

Ecco son pronto qui per sodisfare A quanto t'ho promesso, isso mme disse, Ti puoi a tuo bell' agio preparare, Che le parole mie son stelle fisse; Qual di queste ti piace di cantare, 84
Del valoroso Ettorre, o pur d'Ulisse e
Vuoi tu cantar d'Orlando Forsennato,
O pure di Rinaldo innammoraro?

## 70

Vuoi tu cantar di sdegno, e gelosia,
O pur d'Armi, e d'Amor l'aspre contese,
O de' gran Cavalier la bizzarria,
E di costoro l' onorate imprese?
Vuoi tu forsi cantar di Geometria,
Ch'in questa molte cose son comprese,
O vuoi forsi cantar sopra i duelli,
Che son pur cose rare, e fatti belli?

#### 7

V uoi tu cantar delle Celesti sfere,
O del Zodiaco le lucenti stelle?
O pur vuoi dell' uccelli, e de le fiere
La natura, o virtù cantar di quelle?
Or dimmi qual'è dunqueil tuo pensiere,
Perchè son tutte peregrine, e belle?
Eleggi qual di queste più ti piace,
E di qual ti conosci più capace.

#### 72

Fermati, vuoi cantar dell' Elementi, Cioè d'Acqua, di Terra, d'Aria, e Fuoco, E dell' effetti loro, e de' portenti Di natura, ch'in questo avrai gran luoco? Vuoi tu dunque cantar forsi dei venti, Che non son cose da pigliarsi a giuoco? Vuoi tu cantar della Creazione Del Mondo, che son tutte cose buone?

73

Vuoi cantar de i segreti di Natura,
O de i mostri, che son dentro del Mare?
O pur ti piace dell'Agricoltura,
Con distinto, e bell'ordine cantare?
Risolviti, deh via presto spapura,
Di queste qual ti piace ragionare?
Non mi tener se'l Ciel ti guardi, a bada,
Canta che vuoi, ch' io ti farò la strada.

74

Vuoi tu cantar di prodigalità,
O pure cantar vuoi d'ingratitudine?
Vuoi tu forsi cantar di fedeltà,
O pur de la beata solitudine?
Desideri cantar di crudeltà,
Che dei crudeli ve n'è moltitudine?
Vuoi tu cantar di furti, e latrocini,
Che cio cantanno certo gl'indovini?

75

Vuoi tu cantar del Fato, e del Destino O, come dir si suol, de la Fortuna? La Cecala 66
Che mostreresti ingegno peregrino,
E tal fatto gran cose in se raduna;
E s'acquistar vuoi nome di Divino,
Parla un po'degli effetti della Luna,
Che parlando fondato, e con ragione,
Sarai stimato un nuovo Endimione,

# 76

Io quanno ntese chesto m'agghiajaje, E mme venette subbeto la freve, E ccomme ntesecuto llà restaje, Cch ù ghielato, e cchiù ffriddo de la neve; Puro co ttutto chesto reprecuje, Ma co cchella creianza, che se deve, E ffatta na selenne reverenzia, Fu la resposta nchesta contenenzia.

#### 77

Segnore, Vost'Autezza vo borlare,
E ssaccio ca da vero non decite;
Ma facite accossi pe ve spassare,
Perch' a la fina site vuie chi site;
Mme perdona s' ardisco reprecare
A ccheste afferte, quale sò nfenite,
E mme perdona, se ve piglio a ppatto,
Perchè a ccantà ste ecose non song'atto.

Saccio ca Vost'Autezza è ppontoale, E la farrà da vero Cavaliere,

87

Perchè v'è sta vertù connatorale, Ca nne facite mostra volentiere; Donca ve preo siate liberale Commieo, essiacchiù ffrisco lo penziere, Ca de quanto m'avite offierto, e dditte, Comme sapite, mille n'hanno scritto.

#### 79

Ma perchè m'accorgette nchillo stante, Ch'Apollo volea fa de lo storduto, Si bè sapeva chi parlato nnante N'aveva, e che da isso eppero ajuto; Mme disse; or dimmi un poco quali, ( e quante

Persone a contar queste hai conosciuto? Dimmi chi fuvo, che cantaro, e come? Ch'io allor ti sgraverò di queste some.

# 80

Creo ca lo sfece pe mme scanagliare,
E bedè s'avea lietto 'n vita mia,
Ma io che bè lo seppe penetrare,
No lo pigliaie securo nburlaria,
Perchè tutte l' Auture a mmente chiare
L' aveva, e non decette la boscia,
E de sto muodo a cquanto m'avea ditto
Repiglio le mmaterie, e chi n' ha scritto.

Vergilio cantaie d'Attorre, e Olisse, Ma primmo nne cantaie lo grann'Omero, E po tanta e ttant' autre appriesso a

Che sò cchiù de no nove co no zero; De Renaudo, e d'Orlanno no nne scrisse (Fuorze potta de me ca n' è lo vero) Cchiù de no Sagliemmanco, e no cecato, E cchiù de no Guidone n'ha cantato?

#### 82

De sdigno, e Ggelosia n' hanno cantato L' Anguellara, Getardo, e Ttrapolino, E co cchiste porzì n' hanno parlato Bentivoglio, Campeggio, e Balzamino; Otra de chiste ccà, n hanno stampato Arrico, Ronneniello, e Ttoramino, Lo Dolce, Peccolommene, e lo Tasso, Che ntuorno a cchesto fanno no fracasso,

#### 83

D' amore, e arme scritto n'ha Guarino, Lo Tasso, lo Petrarca, e Beviano, E Bemmo, e l' Ariosto, e lo Marino, Lione, Ungaro, Croto, e Aquelano, Sannazaro, Campeggio, e Contarino, Lo Boccaccio, Alciato, e Campesano' Alemanno, Gerardo, e Cremonino, Gratanuolo, Ngegniero, e Bracciolino.

## 84

L' Ariosto porzì de vezzarria, Co lo Tasso mmedesemo, n' ha scritto, E dde ste cose de Givallaria Benaggia chi Poeta nne sta zitto, Pe cquanto a li Dojelle è guittaria, E quann'io nne parlasse, sarria guitto, Nò non sapite vuie, ca de Doiello Nn' ave scritto, e pparlato Macchiaviello?

## 85

De lo Zodiaco, de le Stelle, e Sfere N'ave scritto, e pparlato Zoroasto, Anassemandro, Archita, e de le ffere N'ave scritto Arestotele da masto; Io chesto non desidero sapere, Ca n'è pe mme, Segnore mio, sto pasto, E si puro v'è ggusto, e ssi ve pare, Facitelo a quarch'autro recantare.

#### 86

Pe cquanto a li segrete naturale; Co Pprinio, Arestotele nne tratta; E de l'agrecoltura con gran sale, Lo Mantoano a ttutte dà la tratta; 90 Pozzome metter io co cchiste tale? Mo cierto Vost' Autezza mme maltratta, Cheste nou fanno pe la penna mia, Perchè maie stodiaje Felosofia.

# 87

De Prodecaletà, sò ccose ntese, Ca n' ha scritto Ariosto, e Ccampesano, A cchillo tiempo quann' era cortese Ogn'ommo dotto, e llargo cra de mano; Ma mò ch' a nnullo scappa no tornese, Ca oie Munno è ppezzente, e baggiano; Non serve ste mmaterie cchiù ccantare, Ca chi ha monete se le bò stepare.

#### 38

Si de la ngratetudine parlare Volesse, Serenissemo Segnore, Vorria pe nchiostro l'acqua de lo Mare, E pe ccarta la terra de tutt' ore; Nè de la soletudene cantare, Perchè mme venarria manco lo core, E dde la federtà, ch'è ccosa nova? Manco pozzo cantà, ca non se trova.

# 89

Che Ffato? che Ddestino? che Ffortuna? Chi canoscette maie sto Nnemione? Io che nne voglio fare de la Luna . Ca non sò ccose pe mme gnorantone? Si volite, che cante, datem' una De le boste segrete cose bone, E stipatele cheste a li Toscane, Perchè pe mme so ttutte cose vane.

90

Ca de Fortuna, Fato, e de Destino N' ave scritto Tassone, e lo Boccaccio, E Lludovico Dolce, e Ttoramino, Lo Sciamma, l'Alciato, e che nne saccio; E lo Petrarca puro, e lo Trassino, Che perzò, che mme serve chisto ( mpaccio ?

Perchè besognarria sofestecare. E cchest'è cchello, che non pozzo fare.

De l' Alemente, e lo Munno crejato Lo Murtola n'ha scritto a botta fascio, Mperrò nnante de chisto no cecato Nne cantaie, ma co stile assaie cchiù Vost' Autezza nne sta buono nformato. Perzò s' io nne cantasse sarria n'ascio,

Nè mmanco cantà pozzo de le viente, Perchè non sò bescuotte pe sti diente. De Marejuole cierto cantarria;
Quanno mme fosse liceto cantare;
Ed affe no gran siente ne' avarria;
Perrò na cosa mme fa dobetare;
Ca si quarcuno de la Patria mia
Ad autro sienzo chesto vo pigliare;
Credenno fuorze; che io parlo pe isso,
E che nee soccedesse quarchè aggrisso.

## 93

Di che temi? ( isso disse ) hai tu paura Quando tel comand'io, che canti questo? Quinci certo mi pare una freddura? Cantane pur, che non sarai molesto; Io sentennome fare sta bravura, Voto casacca; e le responno lesto, Io no nne canto, e n' averria cantato, Ma dubeto non ghircce mbrogliato.

## 94

Ah furbo, furbo, io t'ho già ben'inteso, Respose Apollo co la vocca a rriso, Ah gran Napolitano, io t'ho compreso, Oh come hai detto ben, che fossi ucciso, Come dimmi, tu ancor ti senti leso? Forsi rubbasti tu'l Monton di Friso?

93

Nò, nò, fermati qui, non vò passare Più avanti, ch'io ti voglio esaminare.

95

Quante persone, e quai facesti prive
De le lor facultadi, a chi estorquesti?
Che cose furo vino, oglio, od olive,
Sotto quali colori, e quai pretesti?
E cco nterrogatorie soggestive,
Mme jea decenno, e quinci, e quin( di, e questi,

De na manera, e de na forma tale, Comme fosse Screvano cremmenale.

96

Sio Apollo mio volimmola scompire?
Diss' io, chesto n'è muodo de cantare,
Ca sò benuto ccà pe v' obbedire,
Non so benuto pe mme nzammenare;
Damme lecienzia, ca mme nne vogl'ire
Ca Vost' Autezza cierto vò borlare,
Nè vao de chesta gente co la chiorma,
E sseguetaje decenno de sta forma.

.97

Jo n' arrobbaie nè ffriso, nè zegrino, Manco no parmo, non che no montone, Manc' uoglio, manco aulive, e manco ( vino, 94
lo responnette co ppresonzione,
lo non son ommo nò, menà l'ancino,
Nè aggio avuto maje sta ntenzione;
Quacchuno ch' e frabutto, e mmalenato
Securo fa ste ccose, ed ha arrobbato.

98

Parlanno co lo debeto respietto
De perzone da bene, e scropolose,
Quale fuorze non hanno sto defietto,
Perchè havarranno le mmano pelose;
Apollo tanno pe mme fa despietto,
Or io non vò saper più tante cose,
Disse: cantane un' altra, e lasciam que-

La qual non credo ti sarà molesta.

99

E disse: vuoi cantar dell' amicizia
Non finta no, ma vera, e cordiale,
Semplice, voglio dir, senza malizia,
Che pur' ella è materia principale?
O forse cantar vuoi dell' avarizia,
Che faresti un Poema generale?
Io per me certo, non sò, più che dirti,
Nè più che darti sò, nè che più offritti.

De ste faccene n' hanno scritto chiaro Respos' io, Vinceguerra, e l' Alciato, . 95

Lo Bemmo, lo Boccaccio, e Ssannazaro, E Ddante, e lo Petrarca n' ha cantato; Gratarulo, Ariosto, e Anibal-Caro, Perrò ve preo ve sia recommannato; E po l'ammice de lo juorno d'oje Sò cchiù peo de li Sbirre, e de lo Boje,

#### 101

Ca io sò no ngorante, no cestone,
Che ssaccio a mmala pena competare,
E sò comme vedite no marrone,
Nato sulo pe bevere, e mmagnare;
Pò chesta penna stare a pparaone
A chi non songo digno de scauzare
Le scarpe? e po de cchiù mme lo com( manna

Chella ch' aggio fatt' io , la Mezacanna,

#### 102

Chella lla mme commanna spressamente, Che no mme parta da la sfera mia, E che mme stia coieto, e stia contente, Ca non vò, che mme metta nvezzarria; Attiso ca starria nvocca a le ggente, Va nnevina lo Munno che dderria; Perrò de ste mmaterie no mine curo, Ch'aggio la Mezacanna, e mine mesuro.

Ca subbeto lo Munno deciarria

Ca l'opera mm'è stata nfrocecata,

96
E ca chesta fatica n' è la mia,
Ca n' avea mente tanto sollevata:
Attiso pe stampà na goffaria
Pur aggio avuto chesta nnommenata,
Che perzò Vost' Autezza non me mpigna
De fare a sti grann' uommene la scigna.

## 1 o4

E po sarria na gran sconvenienzia Ch' essenn' io già venuto de perzona A la vostra Llostrissema presenzia, N' avesse da cantà na cosa bona; Parlo accossì ca ne' aggio confedenzia, Che perzò Vost' Autezza mme perdona, Ca s' io cantasse cose recantate, Sarria no smacco a bosta Majestate.

# 105

Ed isso replicaie: nichil sub Sole
Novum ritroverassi, e diasi pace
Ciascun, che sempre al Mondo fur le
(Cole,
E dichi pur ogn'un ciò che li piace;
Che s'incontino i detti, e le parole,
E i pensieri talor, non mi dispiace;
Ma quello che m'accora, e che m'at-

È che molti far vogliono il copista.

( trista.

L'imitar, il tradur da prosa in rima Una sentenza, un fatto peregrino, Percliè col verso si poliza, e lima, Ed in versi il parlar ha del Divino; Da me questo, e dal Mondo assai si ( stima;

Come al fuoco purgato l' oro fino; Però non ti turbar, c'ho già pensato Un pensier da nessuno unqua cantato.

107

Questo però non potrà farsi senza
Che non assisti meco personaliter,
Perchè poi vi si reca l'assistenza,
Acciò possi deponere oculariter;
Però trovati meco ad ogn'udienza,
Che scriverai per cei to punctualiter;
E scritto ch'averai con stil giocondo,
Fallo palese, e fallo noto al Mondo.

108

Ed io respose: addonca so Spione,

E pporaggio portà l'arcaboscetto,

E lo pognale, o quarche cortellone

Fatto a ffronna d'auliva, o lo stelletto;

Mo si ca pozzo stare a pparaone,

La Cecala

98 U bene mio ca mme nne vao nvrodetto, Per chè quanno so a Nnapole arrevato. Fuorze chi sà, sarraggio cchiù stemmato.

E isso, stiamo in Roma? eh che t'inganni, Io non so quel che dici , non l'intendi, Non vi sono in Parnaso quest'ingauni; Nè dimorano qui mostri si orrendi; Non è per te vestir di questi panni, Con tal parlar per dirtela m' offendi, E nella Fatria tua sì di leggiero Non si deve introdur mostro sì fiero.

Io tanno a cchesto volea reprecare, E holea dire n' autra parolella; Ma Febbo, quale seppo penetrare Quanto mme jeva pe le ccelleviella; Mme disse, se tu ardisci più parlare, Ti nascerà mò proprio la zella, Jo saccio quanto dicere vorrisse, E pe ume conzolare accossi disse: Ecco ch' io ti spedisco una patente La miglior che si può'n forma probanti, Come uno veritiero mio assisteme, A dispetto degli uomin' ignoranti; E ti giuro pel raggio mio potente,

#### 112

Segnore ve rengrazio, le respose,
Ca non sò ddigno de cauzà stevale,
Ca l'auniglia, li guante, st'autre ccose
Oie le pportano gente dozenale:
Mme contento pescare a le bavose,
Ca non aggio sti sienze bestiale,
Perrò cheste mettimole de banne;
Perchè trasgredarria la Mezacanna.

#### 113

Tanno Apollo se fece na resata,
Ca gusto parze avè da sta resposta,
E fattame a la capo n'allesciata,
Disse no nò, ch'io non l'ho detto a posta;
Non ti turbar, che quest'è una passata,
Che il ragionar con te molto mi gosta;
Or vanne dunque a diportarti, e quando
Sarai chiamato allor corri volando.

SCOMPETURA DE LO CANTO SECUNNO.

## LA

# GALLARIA SECRETA

# D'APOLLO.

Fatte ad Apollo ciento vasamano, Isso se nn' appalorcia co le Ssore; Quanno lo Caporale, e lo paisano Puostome mmiezo ad isse ascimmo fore; E ssenza cammenà troppo lontano, Chist' ammice, pe ffarme cchiù ffaore, Me portaino a na stanzia segreta, Dove trasuto maie no ne' è Ppoeta.

2

Perchè nò a tutte sciotte de perzone È cconciesso sapè cierte secrete, Cossì commanna Apollo, ch'è ppatrone, Co li suoie nviolabele decrete, Ma schitto a cchi è de bona ntenzione, Si bè non sò fenisseme Poete, Sianose comm'a mme scure, sciaurate, Ma siano amice de la VERETATE. Chest' era na segreta Gallaria,
(Comm'aggio ditto) chiena de petture;
Fatta co sollennissema mastria,
De belle, e mmajestose archetetture;
Ermedoro, mme creo, che stato sia
Lo masto de si gran manefatture,
Archetietto de ngiegno auto, e soprano,
Che ffacette le foro de Trajano.

4

E ddissero, ora mò te puoie spassare, Tenenno mente attuorno a ste ppetture, Che songo attuorno ccà, si vuoie cantare Cose de fonnamiento, e non freddure; Tra tanto s' apparecchia da mangiare, Notate, e ttiene a mente ste ffegure, E si te pare farne menzione, Quann'a Nuapole tuorne, sì ppatrone.

5

E pprimma de trasì dissero chille, Ceà ddinto so ppetture troppo belle, Che ssongo fatte da cint'anne, e mmille, E Apollo l'amma assaie cch'à dele stelle; Quanno le bedarraie, l'uocchie sfaville, Ca nce nne sò de Fidia, e nfi d'Apelle, De Nicofano, Aristete, e Ccemmone; D'Apollodoro, e de Serapione.

6

E de mano de Zeuse, e Ppolegnoto,
De Timante, Parrasio, e de Perseo,
D'Aurelio, d'Amulio, e d' Erodoto,
De Pito, de Dionisio, d'Aristeo;
De mano nce nne sò porzì de Croto,
D'Eracleto, Leonzio, e Ttirideo,
De Pausia, de Nicomaco, e Tteodoro,
De Colafronio, e de Dionisio d' Oro.

7

E d'autre tanta, e ttanta, quale tutte Avarranno li nomme, e le casate, A cierte non se vede, perchè strutte Sarranno fuorze da l'antechetate; A li quatri nce sò porzì li mutte, Che ssongo a le petture appropriate, A ccierte non ce sò, che bedarraje Ca fuorze lo Pettore se scordaje.

8

Traso nzomma co chille onitamente, E mme parze trasire Mparaviso, Tant' era chillo luoco resbrannente, Che pe stopore mme sentie repriso; Quant'eccote auzo l'uocchie, tengo mente A pprimma faccia, e beo no quatro ap-( piso Dove ne' era depenta na fegura, Che 'n vederla mme deze gran paura.

9

Llà nc'era pinto n'ommo veneranno,
Vestuto comm'a Ccuonzole Romane,
De chille, che tteneano lo commanno,
Ma co l'uocchie calate, e ssenza mane
No mutto nc'è pe cchille chenon sanno'
Che songo comm'a mme fuorze pac'
( chiane

Dove sta scritto: Discite mortales, Judices terrae debent esse tales.

10

Na regnatela pent' a no quatrillo Pò vedde, che ppettura fu d'Apelle, Addove no era cchiù de no moschillo Mbrogliato co li piede, e co l'ascelle, Lo mutto: No ncappare a sto mastril-( lo,

Deceva, ca nce lasse le bodelle, Ca chi de la spezzare non ha forza, Muorto nce rest' appiso, se nce ntorza. La stessa ragnatela a no pontone
Vediette tutta rotta, e sconquassata,
Ca passato no avea no moscoglione,
Che'n tre pparte l'aveva spertosata;
E ppareva che stesse a no cantone
La Ragna tutta quanta appaurata,
Dov' era sto gran mutto appropriato:
Chi affritto nasce, more sbentorato.

#### 12

A n'auto quatro penta ne'era appriesso Na femmena che ghiea vestuta janca, Che le balanze rotte, e no prociesso Teneva nterra da la banna manca, Vecino a chella ne'era no cepriesso, E de parme tenea 'n mano na vranca, Dove decea lo mutto: licet Justa, Ni Veritati nitar, sum injusta.

# 13

Appriesso po na femmena pegnuta Vedette, che de n'uocchio era cecata, La quale puro janca era vestuta, Ma la gonnella tutta era ammacchiata, Ch' era da tutte buono conosciuta Si a mmano manca avea na grossa spata, E tteneva pettato a mmano ritta N'aspeto co no Ruospo, senza scritta.

## 14

Ma statela porzi senza romano
Nee steva nterra, e llegge sconquassate,
Che non nee n'era no petaccio sano,
Ca nciento piezze stevano stracciate;
Sto retratto mme parze troppo strano,
E strane puro li signifecate;
Ma Caporale, che steva buono strutto,
De sta manera mme sprecaie lo mutto.

## 15

Questa (acciò sappi) disse, è l'ingiustizia Che dispreggia le leggi,il Mondo,e Ddio, Dedita solamente alla malizia, E pone il giusto, e l'onesto in oblio; Il riposo già dinota l'avarizia, E le leggi spezzate a parer mio, Vuol dinotar, che non curando d'esse, Si fa guidar da sordido interesse.

## 16

Così senza romano la stadera Dinota il giudicar senza registro, E in van ciascuno aver giustizia spera, Sel'occhio dritto guasto avzà il Ministro; 106

E per mostrarti l'ingiustizia vera, Stringe la spada col pugno sinistro; La gonna bianca poi tutta macchiata, Vuol dinotar non essere illibata.

## 17

Dell' Aspe la malefica natura
Parmi che d'esplicarti sol mi resta,
Che come sordo, punto non si cura
De' pianti altrui, nè per pietà si desta;
Quest'è dell' Ingiustizia la figura,
Ch'orecchio al vernondà, masorda resta;
E se d'uccider gli uomini ha diletto,
L'ingiustizia non fa minor effetto.

# 1 8

A n'autro quatro veo no Cocotrillo,
Che stimma non facea de lo Leione,
E ghieva devoranno chisto, e cchillo,
Comm'assoluto Domuneno, e Ppatrone:
A no pontone pinto era no Grillo,
Che ppe magna no verme, stea presone;
Lo mutto quale ne'era io no lo ntese,
Attiso lo caratter'era angrese.

#### 7 9

No quatro ne' era po de Guido Rena, Che stea co ttutte ll'autre a pparaone, Addove no era penta na Vallena, Quale nvocca tenea no Storione; Vicino a cohella no era na Morena, Che pparea se magnasse no Mazzone, E a la Morena pinto era vecino, Che mmagnava le Ssarde, no Darfino.

20

Appriesso po vediette che l'Anguille Se magnavano cierte pescietielle, i Li qual erano tanto peccerille, Che mme parzero tutte Gecenielle, Na Spinola magnava l'Alecille, La Canesca magnava Castandielle, Eta l'Aluzzo da lo pesce Spata, La Treglia da lo Dentece nnorcatas

21

D. pò visto, revisto, e ccontemprato, Nè bedenno a sto quatro nullo mutto, Remmase tutto attoneto, e neantato, Ca non sapea pigliarne lo ccostrutto; Ma lo Cortese, che mme steava allato Nbreve parole mme spreccaie lo teutto, De lo segnefecato lo tenore, E lo nomme porzì de lo pettore. A stò Munno taccagno appropriare
Mme decette, se pò chesta pettura,
Dove l'ommo potente soperare
Chi ha poco forza studia, e pprocura;
Autro non cerca che d'annechelare
L'ummele co mmenaccie, e cosbravure;
Ed azzò lo pettore te sia noto,
Saccie ca lo pegnette Polegnoto.

23

A cchisto n' auto quatro le stea rente, Che 'n vederlo mme fece stopefaie, Perchè bidde senz'uocchie tanta gente, Ch' erano cchiù megliara de megliare: Tra li quale parca lo cchiù ppotente, Uno, che n'uocchio avea tra ciglie pare, E lo muto, che nc' era: Inter babanos Dicev' Asinus est apud Cumanos.

24

De mano ne'era po de no Todisco No retratto, ma pinto ncoppa a mmuro, Comme se sole dire fatto a ffrisco, Ed era, pare a me, de chiaro scuro; Dove na Vorpa co no Vasalisco, E n' Aseno, e no Puorco ne'era puro; Perrò mmiezo nce stea na sdamma bella, Che tteneva stracciata la gonnella.

## 25

Io mo de sta pettura poco strutto,
Non seppe penetrà lo gnefecato;
Tanto cchiù ch' a lo quatro nullo mutto
Nc' era, che mme l' avesse dechiarato;
Caporale pregaie, che de lo ttutto,
Che bidde pinto, m' avesse nformato,
Lo quale canoscennome cestone,
Mme deze de lo quatro la ragione.

### 26

E ccossì mme decette Caporale;
La femina stracciata, ahi dura sorte!
Çosì ridotta per destin fatale,
E la meschina, e miserabil sorte:
Che significhi poi ogn' animale,
Oh che questo esplicarti mi sa a forte;
Ma son costretto in fatti a dirt'il vero,
Ch' io nel parlar son libero, e sincero.

## 27

Il Basilisco vuol significare

L'uomo iniquo, cioè calunniatore;

Il Porco il Parasito, ch'a mangiare

La Cecala

10

No chilletto ncolore de lo fummo,
Fatto da no Pettore de Seviglia,
Natanno vidde ncoppa de no sciummo,
E mme parette che tenea l'oniglia;
E ghiea pe ncoppa l'acque summo
(summo,

Penziero cierto de gran maraviglia, Sotta no bello mutto stea notato, Che pparea, che dicesse: io porzi nnato.

## З1

- A n'autro quatro ne' era n' Asenone, (O che ppettura cierto sengolare) Che bestuta de pella de Leone Parea, che ffacesse atto d'arragliare, (Chi non nteune sto mutto è no cestone) E chello, che bò chesto gnescare, Che ddice: sarria bello, ma mme noce Ca tutte mme canosceno a la voce.
- A n'autro quatro vidde no retratto, Che mme facette assaie maravegliare, Dove na Leonessa steva nn'atto De volè comm'a ddicere figliare; Da ventre l'era sciuto già no Gatto, E bedea no Coniglio asseconnare, E lo mutto dicea: sto sbarione Nasce, ca non sò figlie a lo Leone.

De mano d'Artemisia Fontina,
Vediette na pettura muto fina;
Che ccierto non me parze opera omana,
Ma cosa bona assaie, e ppellegrina;
Sənza battaglio nc'era na campana,
E ssenza arco porzi na rebbecchina,
E ceo le ccorde rotte no lejuto,
Lo mutto: Non valimmo senz' ajuto.

34

Po no Vasciello vidde mmiezo mare, Ma de chi mano sia, non se canosce, Che pparea non potesse navecare, Perchè tenea le bele mosce mosce; Ma leggenno lo mutto, appe a ccrepare, E equase mme venettero l'angosce; Ca dicea: Chi non ha biento nfaore Sia ricco quanto vò, povero more.

35

Ora chesta pettura mme piacette Cchiù de chelle, che nnante viste aveva, Perchè a no quatro pinto nce vedette Tanta libre co n'ommo, che lleggeva; Io po conzederato che l'avette, Nce vidde na sentezia, che ddiceva; E mmeglio a pprattecare co li muorte, Che co l'uommene vive,e ffacce stuorte.

## 36

A n'autro quatro ch'era quase strutto,
Ed era mparte mparte rosecato,
No'era pint'uno vestuto de lutto,
Ma steva tutto quanto sdellanzato;
Era de facce macclente, e asciutto,
Gomme chi quarche ghiuorno ha de(junato,
Dicea lo mutto attuorno a na saetta;

Dicea lo mutto attuorno a na saetta;
Ad arvolo caduto, accetta accetta.

# 37

Vidde po n' uommo, che co no scarpiello Sopra na preta marmora screveva A bota vraccie, a botte de martiello, Ma non vedette chello, che scorpeva; Era de mano de Giammattistiello, E llà nc' era no mutto, che ddiceva; Guappo, stà ncellevriello, io te l'aviso, Ncopp' a mmarmora scrive l' ommo (affiso.

# 38

Po vidde no grannissemo quatrone, Ch'era luongo sei canne, e llargo quatto, Dove nc' erano pente gran perzone, Quale tutte faceano deverz' atto; Nzomma llà bidde na confosione, Che rrestare mme fece stopafatto, E nnant' a cchisto quatro mm'affejette, E cchesto che mò conto nce vedette.

# 39

De primmo no' era pinto no Segnore, Rent'a lo quale no' era no Vellano, Ma vestuto de panno de colore, E tteneva porzì la zappa 'n mano; E mme fu dditto po ca lo pettore, Che lo pegnette, fosse Teziano, Co no mutto: se bè songo forese, Chist'io lo gabbatre ccuorpe a ttornese.

# 40

Apprisso a cchisto nc' era n' Artesciano, E mme parze che fosse Cosetore, Perchè teneva na fuorfece mmano, E na bannera varia de colore, Da lo quale no stea troppo lontano No Mercantiello, che pparea Segnore: Se bè non sò ttenuto pe ffrabutto lo gabbo tutte tre, dicea lo mutto.

Dapò de chiste no Screvano no era, Perrò non saccio de che ttrebonale, Ma la penn'a l'aurecchia, ed a la cera, Mme jeze mmagenanno ch'era tale, Perchè steva pegnuto de manera, Che quase aveva de lo nnatorale, E lo mutto dicea: non è gran fatto, Se chisto tre nne gabba, io tutte quattro

42

A la fila vedette no Dottore,
Quale nn' ordene a cchist' era lo sesto,
E mme parette, se non faccio arrore,
Ch' a la mano teneva lo Degesto;
E mme parze che fosse coratore
Pe lo cartiello, dove nc' era chesto:
Mentre che robbanc'e alo Patremmonio,
Sempe frisco pe mme spira Favonio.

43

Vecino a cchisto ne' era no Notare, Ch' a lo vestito bè se canosceva, E ccomme se volesse delleggiare A ttutte quante chiste, mme pareva; Sotta ne' era no mutto sengolare, Si buono mm' allecordo, che ddiceva; 118
To co ffare na zetera si voglio,
Si fussevo Dumilia ve mbroglio.

44

Vecino a lo Notaro tre Ausurare
Steano sedute co na banca nnante,
Quale facevan' atto de contare
Zecchine, e ttallarune de contante;
Ed uno facea fenta de mprestare
A ccierte quale stevano llà nnante,
E lo mutto dicea: si vis triginta,
Libenter do, sed reddas sexaginta.

45

Po vedde no Mercante de ragione, (Conforme Caporale mme diceva) Che steva reterato a no pontone Co na boffetta nnante, che screveva; Nterr' era de denare no montone Co no mutto mme parze, che ddiceva; Quann'io fallesco, effaccio lo pezzente Scaso le ccase de le ppedamente.

46

Appriesso ne' era pinto no chianchiero. Lo quale facev'atto de pesare, Non perrò la valanza lo trammiero Co no detillo la facea calare; Accossì corre figlio sto mestiero, Nè d'autro muodo se porria campare, Nè te pareno cheste cose strane, Perché ddongo a mmangiare a cciente cane.

47

A n'autro pizzo nc'era no Barone, Che la pella tenea de n' ommo vivo, Quale se fosse d'ammerazione, Dicere no lo ssaccio io che lo scrivo: Lo mutto: Io voglio stare a pparagone, Perzò no nce voglio essere corrivo, Mentre ch' ogn' uno attenne ad arrob-( bare , S' autro non pozzo, voglio scortecare.

Pò no retratto vidde de Timante, Quale mme parze n'ommo mostrouso, Duie vuocchie arret' avea, duie nn'avea ( nnante, Contr' a lo nnatorale, e contra li' uso;

Da nante stea sforgiuso, e assaie galante, Da dereto stea tutto sbrenzoluso, E lo mutto deceva : Ommo ntosciato, Votate arreto, e bide chi si stato.

A n'auto quatro vidde no cecato,
Lo quale cammenava a l'attentuna,
Co la mano a na mazza stea appoiato,
Guidato da no cane co na funa;
Co no mutto dign'essere notato,
Che ddecea: te rengrazio, Fortuna,
Ca mme faciste nascere cecato,
Pe non vedere sto munno mbrogliato.

50

Tanno spejaie chi fece sto retratto,
E ch' era de doie mano, mme fu dditto,
Ca lo cecato lo pegnete Batto,
Lo cano n' autro, che no nc'era scritto;
Io tanno tutto quanto stopafatto
Dicette, bene mio sia heneditto
Chi pegnette lo cano, e lo cecato,
Che m' hanno veramente conzolato.

42

Appricsso na pettura sengolare, Vediette, che baleva no tresoro, E mme facette cierto nnammorare, La qual'orera fu de Poledoro; No Pazzo ne'era, che ghiettav' a mmare No sbruffo de denare , argiento , e oro, E a no cartiello scritto ne' aggio visto: Chesto tutta rrobb' è de male acquisto.

52

N' autro quatro vediette da no canto D' Erodoto, dov' erano cchiù sciorte De rrobbe, e se vennevano a lo ncanto, P' ordene de la Reggia Gran-Corte; Gran gente p' accattare steano accanto, Lo mutto: Anmico, non te saccia a (forte,

Si co ffraudà la Corte te l'aje fatte, La Corte se le ppiglia, o criepe, o ( schiatte.

# 53

N' autro nce n'era de Serapione,
Pettore a tiempe antiche a saie famuso,
Lo quale potea stare a pparagone
A cchi de la pentura nventaie l'uso,
N'ommo avea pinto, che no scorpione
A na mano tenea miezo annascuso,
Dov'era scritto, si non faccio arrore;
Guardese ognuno da l'Adolatore.

54:

Io de lo Scorpione addomandaje, E cchello che boleva gnesccare; E lo Cortese tanno reprecaje,
E ddisse, cierto mme vuoie cossare;
E ccomme, si Ppoeta, e no lo ssaje?
Non perrò te le hoglio dechiarare,
Ca ll'uno, e ll'autro se da nante alletta,
E ll' uno, e ll'autro da dereto nfetta.

55

No quatro no era po de Terideo, Dov'era no Gammillo sconocchiato, Quale stea de sto muodo, perchè cereo, Ch'era de piso troppo carrecato; E ceercanno lo mutto, ecco ca veo (Ch'io pe mme ne restaie strasecolato) Scritto a la Spagnolesca de sto muodo: Cierto no suffro mas de lo que puedo.

56

Na femmena, che ncoppa no gran monte Seduta nuda stea, tutta festante, E li capille avea votate nfronte, Pettura d' Erodoto assaie galante; Mill' Asene le steano faccie fronte A la chianura, ed uommene a li cante, Chille facevan' atto d' arragliare, Chiste comme volessero pregare. Da llà pareva justo che bolassero
E bestite, e cappielle de Segnure,
E che ttoghe, e gualdrappe vrociolassero
Degne de buone Miedece, e Ddotture;
E gran parte de chelle nne restassero
Nnanze all'Asene; e abbascio a le ppetture
Non vidde nè sentenzia, nè mmutto
Ca pe l'antechetate era destrutto.

58

Po no pezzente vidde a n'autra parte Quale pettura fu de Teziano, Fatta co gran designo, e co grann'arte, Nè bedè se potea, che'dda lontano; Na mezacanna rotta nquatto parte No'era, e cchillo pezzente co la mano Gercava la lemmoseni, e lo mutto: Pe sprezzà chesta, a cchesto sò ar-(reddutto.

59

Io ccà cierto arrestaie, ma lo rancore Ch'avea, mme fece venire l'accidia, Perchè no no'era scritto lo Pettore, Ed io sapè lo voze pe pproffidia. Ma Caporale, ch'era tutto ammore, Mme disse, tal pittura fu di Fidia, La Cecala Figlio non lo ssapere, ca si ffuso, Mme resposero tutte a buce stese; Apollo cossì bo, cossì le piace, Perzò liegge, contempra, vide, e ttace.

63

Ed io non reprecaie parola nchesto,
Ca non mme parze de soprassapere,
Sapenno buono de che panno vesto,
E ca mme nociarria troppo sapere;
Perrò no mme coraje de sapè chesto,
Perchè nc' era cchiù rrobba da vedere;
Comme 'n affatto a cchella tela chiena,
Votanno l'uocchie, vidde n'autra scena.

64

Appriesso a ttutte chiste stev'a ssilo
Na Sdamma che bestuta stea de raso
De cchiù ccolure satte a ccontrapilo,
E ccreo, che lo Pettore su Pparraso;
La faccia, e lo vestito jeva a ppilo
Bell' uocchie, bella vocca, e hello naso,
E decea nspagnuolo: Linda Muchera
Alliero te sa sta matina, e ssera.

65

Ne' era puro pegnuto a cchisto ntrico No Miedeco a ccavallo a na muletta, Comme soleano ire a ttiempo antico, Ca na gualdrappa, e all'uso la barbetta; Vuie avite da fa tutte co mmico Dicea lo mutto, ca co na rezetta, Quanno ammemepiace taglio a ttunno, E ve nne faccio ire all'autro Munno.

### 66

Pò la morte parea, che cchiano chiano Veneva co na fauce, e co n' ancino, E co chist' afferrava da lontano, E co la fauce chi le stea vecino; Farfariello veniva retomano, E da vocca l'asceva sto latino:

Se la morte de chiste fa scompiglio, Io tutte ad uno ad uno mme le ppiglio.

# 67

De quatre po vediette na decina,
Che steano tutte quante commogliate
De seta verde, e sseta carmosina,
Co le ccornice ch' erano nnaurate;
Io credenno vedè pe nfia a la fina
Sospinto da la gran coriosetate,
M' accosto pe scoprire, e pe mmerare,
Ma da dereto mme sentic terare.

Quanto mme voto; ed era lo Cortese,
Quale mme disse, ferma non toccare,
Ca ste petture a tte non sò ppermese
De le bedè, nò nò, non ce penzare;
A nnullo Febbo fatte l' ha ppalese,
Ca no pe mò le bole probbecare,
E te deve vastare, o buono, o tristo
Chello ch'aie pe nfi mò leggiuto, e bisto.

60

Da meglio penne, e ngiegne echiù ssapute, E da Poete de cchiù gravetate, Apollo, vò che ssiano canosciute, Pe chi sà quann' è ttiempo, l'ha stepate; Vederle a ppare tuoie sò pproibute, Ca nce vonno cchiù ngiegne sollevate, E Ppoeta vol' essere strafino Pe nne potè parlà grieco, o latino.

70

Apollo cossi bò, perchè è ppatrone, E perchè bò le ggrazie despenzare, Comm' hanno li taliente le pperzone, E ssape buono chello che se fare; Trasimmo ntanto a n'autro cammarone, Dove pure vediette cose rare, Ben vero ca non erano petture, Ma petaffie co statue, e cco scolture.

71

De statue tutte rotte, e ffracassate
'N trasire lla vediette no sconquasso,
Perchè nce n'era tanta quantetate,
Che non sapeva dove dà no passo;
Se ammisso nne restaie, conzederate,
Vedenno sta roina, e sto fracasso,
Ca steauo senza gamme, e ssenza vraccie,
Chi capo non avea, chi meza faccie.

72

Ciente petaffie no erano pe tterra,
Perro pure spezzate nciento parte,
Parevano secate co na serra
Da lo forore, ed impeto de Marte;
Libre no erano mpresse, arme de guerra,
Spate, e mmoschette fatte co grann'arte,
Ed io aveva gran coriositate
De sapere chi chille erano state.

73

Perzò tenenno mente sotta, e ssuso, E stoppafatto stea mmaravegliato, E de sapere tutto desiuso, Che sto mbruogliomme fosse dechiarato:

127

Lo Cortese vedennome confuso, Mme decette, già saie, te sì mbrogliato, Che d'è? te mmaraviglie de ste ccose? Ed io de chisto muodo le respose.

74

Chi potta d'oie non se maravegliasse Nvedere sta roina, e sta pietate, Chi attuoneto, e ppenzuso no restasse, Nvedè st'opere belle fracassate? E pe la di ntoscano, nfi a li sasse, Li sasse stisse ccà, che sò spezzate, S'avessero, mme cride, sentemiento Pe ccierto chiagnarriano senz'abbiento.

7

Pe te levare de coriosetate,
De botta lo Cortese responnete,
Perchè songo ste statue spezzate.
La causa, e la ragione mme dicette;
Ccà se professa di la veretate',
Perchè, azzo saccie, Apollo non per-

Che nchest'arcefamosa Gallaria Accostà se nce pozza la Boscia.

76

Perchè de tutte quante le petture, Che se fanno a lo Munno generale, Comme de tutte quante le scolture Apollo ccà nne vò l'oregenale; Ccà no nce vonno mieze, nè ffavure, Perchè ccà se negozia a la riale, E ppe mmeglio nformarte de sto ntrico, Comme passa lo fatto mo te dico.

77

E sequetaje dicenno, songo chiste Statue de rebelle, e ttradeture, Ed autre nce nne so, che tu l'aie viste, Turchemanne, frabutte, e adolature, So nfrutto tutte gente nfamme, e ttriste Ndigne de tanta grolle, e tantonure, Nzomma so state chille tutte gente Pe chi s'è ffatto juorno ndegnamente.

78

Autro furno a lo Munno gnorantune, Che non seppero di maie na parola, E bozero passà pe ssatrapune, Quann'ancor'erno buone ire a la scola; Furno a lo Munno chiste ccà pallune Chine de viento, perrò famma vola, Perchè chello che l'autre hanno sodato, D' averlo fatto lloro hanno mostrato.

Ccà li nnemmice de le Ppatrie lloro Nce songo, e chi nventaie nove gabelle, Che pe se sazià d'argiento, e d'oro, Fecero ciente zappe, e cciente zelle; Pò s'hanno fatto fa le statue lloro, Co le ddescrizziune tanto belle, Co ttanta varzellette, e ttricch, e mmich, Ne se legge autro mò, che jacet hic.

80

Ccà nce songo le turbe de l'avare,
E d'Ippocrete puro, e ccuolle stuorte,
E nce songo porzi tant' ausurare,
Che ttanta no nce sò cetrola all'uorte;
E po lo Munno voleano gabbare
Co statoe, e ppetaffie dapò muorte,
E hanno avuto ardire chiste tale,
Volerse ntetolà pe lleberale.

δı

De chille che schifavano li Patre, Ca furno vile nate, o poverielle; Nce nne songo de Statove le squatre, Ma rotte tutte a botta de martielle; E nce nne sò de marejuole, e llatre, Che sseppero ariobbà co minuode belle, i30 Li quale po pe nnobele, e dda bene Vozero compari ntutte le scene.

## 82

Ceà no'è na frotta de concobenate, E de cierte da Sodoma fojute, Che ttutte quante se sò ntetolate De vera Castetà massiccie scute; Ma Febbo, quale sa la veretate, De muodo, che ccà bide, l'ha cchiarute, E pe cquanto de ntennere mme pare, Le bò fa ammazzarà nfunno de mare.

# 83

Le statove nce sò de cierte tale,

Che nnemmice d'Astrea furno a lo
( Munno,
Azzoè, comm'a dì, de chille, quale
L'hanno tagliat'a Ppiezze comm'a Ttun( no;
Po pe lassà lo nomme de mmortale
Sò benuto a sto luoco a ddare funno,
E comme nvita furno desprezzate,
Songo ccà cchiù de l'autre sfracassate.

# 84

Ccà nce songo Teranne nquantetate, Li quale a pregarie, sospire, e chiante

131

De nullo maie se moppero a ppietate, Ma stettero cchiù ttuoste de ddiamante; Li quale pò de preta deventate, Volcano acquistà nomme de zelante, Ma perchè Febbo le ccanosce tutte, L'ha comm'a l'autre fracassate, e rrutte.

# 85

E di chi scrisse forza de boscie,
E le llegge, e scritture adolteraje
Tanta statue spezzate llà bedie.
Che nvederele cierte m'agghajaje;
E chi co mmille, e mmille guittarie
Li Tempeie de Giove profanaje,
E di chi accise l'uommene pe ggusto,
Autro non se nne vede, che lo fusto,

86

Le statoe porzi nce sò de cierte,
Che co scritture zoppe, e mmennecate
P' acquestà nobertà jezero spierte,
Ed erano gnorante, e sciellacquate;
Apollo, quale lià non nce vò nzierte,
L' ha puro peo dell' autre sconquassate
Ca nchella Gallaria nce vo cchiù nnante
Uommene vasce nate, che gnorante.

De cierte soperbaccie, ed arbagiuse Vidde porzi le statoc sfracassate, Che comm'a ccemmenera, e cchiù fom-( muse, Foro, quanno a lo Munno songo state; De cierte, comm'a ddire ambeziuse D'essere senza mierete onorate;

Era quant'a na noce, o quant' a n'uosso. 88

De li quale lo piezzo assaie cchiù gruosso

De cierte mancature de parole,
Uommene senza legge, e ssenza fede,
De chi dice sì, e nnò, quann'isso vole
Cchiù de na statoa rotta se nce vede;
Apollo, quale llà no nce vò cole,
A sti tale sto sfarzo non concede,
Perchè llà non nce vole guittarie,
Nè mmanco a li petaffie boscie.

89

De chi de ngratetudine peccaje Le statoe porzi rotte vedette, E ccheste cchiù de tutte erano assaje, Che nvedè sto sconquasso nne stopetle; Perchè so ttanta tanta, addommannaje

A lo Cortese, e cchillo mme decette, Non te mmaraviglià, perchè de chiste Nce n'erano cchiù assaie de quant' aie ( viste.

Chiste che nc'ha lassate sò pe mmosta, Nè bò che nullo cchiù pe l'abenire Co le Statoe de marmora ne' accosta , Ca veramente no le po zoffrire : D' ogn'autra cosa Apollo ride, e ggosta, Ma chiste non le bò manco sentire . Perchè li viziuse, e li frabutte. Apollo l' ha nzavuorio cchiù de tutte.

De chi vita menaie de Mallatrone . Che nfi ncanna de vizie stea chino, Nè a lo Munno maie fece bone opere, Le statoe vedette llà becino : Muorto che fu , comparze a pparagone, Vestuto da Romito, o Scappoccino; Perrò de chiste ccà le statoe tutte So quasemente ncenner' arreddutte.

92

De chi arede lassaie lo tierzo, e quarto, E de li suoie non fece mmenzione, E ccomme a na cartaccia diò lo scarto La Cecala

No era de prete rotte no montone.

Io zzò vedenno, subbeto m'apparto,
E mme mettiette ncontemprazione,
Ca mme vennero a mmente cierte tale
Ammice de le parte Orientale.

93

Statoe pure nee vidde de Dotture, Che li crediette aveano mpapocchiate. E de tanta Toture, e Coorature, Che cciento case avevano scasate, Po se fecero fare li scorture Pe ddedecarse a la mmortaletate; Ma songo de manera sconquassate, Ch' appena se canosce chi sò state.

94

Or che ti par di questi Farisei?
Votato a mme, decette Caporale,
Son quest' uomini degni di Trofei:
E con statue rendersi immortali:
Se sdegnarian le bestie, non che i Dei
Memoria conservar di questi tali,
Che carchi di si fatte sceleraggini
Ardiro far scolpir le loro immagini.

95

Io nehesto no rrespose, ca mme parze Na cosa veramente de ragione, Ca no spezzate, dovean essere arze, E no sta nchillo luogo a pparagone; O gente indegne, e de judizio scarze Disse fra me, tiemente che ipperzone Volcano lassa nomme de mmortale, Che pesa se doveano a no mortale?

96

No era llà da vedere pe no mese
De ste statove rotte quantetate;
Ma schitto de che parte, e che ppajese
Fossero, aviette io corejosetate;
Che pperzò demmannaje a lo Cortese,
Quale co mmuta leberaletate
Mme responnette, e ddisse songo An( grise,
Turche, Varvare, Muore, ed Arbanise.

97

Sia beneditto Ddio, tra me dicette,
Che nfra chiste non c'è no Taliano,
Ca nu' obbrecazione no mme mmette,
Che nne pozza parlà forte, ne cchiano;
E cchesta cosa quanto mme piacette
Capere no lo pò lo ngiegno omano,
E co cchesto manc' hanno occasione
Le mmale lengue farne menzione.

E che nne sarria stato de me scuro, Se quarch' ammico avesse llà trovato, Che fosse stato comm'a cchillo, e ppuro Per fortuna l'avesse nnommenato, Ca non pe cierto porria sta securo

De n'essere a lo mmanco processato, Che perrò non parlannone, paura Non aggio, mme sia fatta quarche cura.

### 99

Passo cchiù nnante, e beo grà statoe sane
De nsenite, e ddevierze naziune,
E nsra de chiste gran Napoletane
Groliuse pe statte, e p'azziune;
All' uocchie de sciasciucche, e de bag( giane,

E de sciacqua-lattuche gnorautune, Quale pe non sapere autro che ffare Schitto hanno attiso a beyere, e mman-

### 100

Lasso li forastiere, ca non voglio Mettere tanta carne a ccocenare, Ca otra sarria luongo pe mme mbruoglio,

139

Quale perzò da banna lasso stare; E po mprimma de me n'ha scritto nfuo-(glio No cierto, quale a Nnapole n'hi ppare, E l' ha stampate a n'autra gallaria, Ch' è cierto assaie cchiù bella de la mia.

101

Ma chello, che nfra l'autro nce notaje
Fu bedè chelle statoe nnordenate,
Le cquale lo contempranno m'allegraje,
Comme pariente micie fossero state:
E ccierte dapò viste, le basaje,
Dicenno, o quatto vote vuie vejate,
Ch'a lo Munno non fustevo corrive,
E ssite pe bertute sempre vive.

102

Io non dico de chille, che sò state Da seicient' anne, e ffuorze cchiù scor-( pite,

prie

De li quale ne è ttanta quantetate Ch' a ddicere lo vero, sò nfenite; De chiste non parl' io, ca sprobecate L' hanno gran piezzo fa penne squesite. Ma de chi sequetaje Mercurio, e Mmarte Muorte da docient'anne a cchesta parte. E ccomme ca so sempre preserute
L'uommene scenziuse, e Lletterate,
Ch'a ttutte l'autre sorte de vertute
Songo le lettere preveleggiate;
Mprimma vediette l'uommene sapute,
Apprisso li valiente, e gran sordate,
Li quale co le ppenne, e cco le spate
Se songo aternamente ammortalate.

# .104

Llà de Napoletane gran Patrizie
Le statue vedette tanto belle,
Ch'apparo de li Muzie, e li Frabizie
Go sbrennore s' auzaino nfi a la stelle;
Di chi fu addotto ntutte l'asarcizie
Nce n'erano porzì le ccaravelle,
E de cierte sacciente, e gran Dotture,
Che sodamente screvettero'n jure.

# 105

E de marmoro bello fino, e ghianco
No erano sti grann' uommene a lo bivo,
Quale pe le laudà mme creo, che mmanco
S' avesse ciento lengue no no arrivo;
De primma vidde Vecienzo de Franco,
E ll' autre appriesso, che cca nnoto,
( e scrivo;

Musa tu damn' ajuto, te nne prego, Ca si no nchisto guorfo mme no annego.

# 106

Po Fabio Capece Galiota

De chi le stampe vanno semp' attuorno,
De chi la famma a ttutte quant'è nnota
Ca seppe lavorare a buono tuorno;
Chillo ch'ad ogne Corte, ad ogne Rrota,
E zetato pe ttiesto oie lo juorno,
O tiempe belle, o bone, e dotte ggente,
De le qual' oie sò pperze le ssemmente.

# 107

Appriesso a cchiste ccà ne' era Rovito,
Che pporzi fu grann' ommo alletterato,
E sseppe accossì scrivere squesito,
Ch'è pe tutto lo Munno nnommenato;
Lo quarto, o comme stea bello sperlito,
Che s'è conforme all'autre mmortalato,
E a lo scrivere avea de lo ddevino,
Lo Prezedente Francisco Merlino.

# 108

Ntra de chesto vedette chella gioja De Furvio de Costanzo resbraunente, Che pe la gran bontate, e bertù ssoja Camparrà, benche mmuorto, aternamen140 E pò lo Prezedente Menadoja, Che p'ogne pizzo nnommena se sente, Ed appriesso a ste ggioie, no giojello Ch'era lo Consegliero Izzariello.

# 109

E de Capece-Latro lo Reggente
La statoa vediette; e dde Capano;
A li quale porzi le steano rente
Co lo patre lo figlio a mmano a mmano;
Ll' uno Regente, e ll' autro Prezedente
Lanarie, e no stea troppo lontano
Riccio, vestuto nforma Vescovale;
Tutte digne de Carre Trionfale.

### 110

Doie autre appriesso degne de vedere Vediette, ed una fu de Titta Toro, Quale fu de gran scienzia, e ssapere, L'autra de Sebione Teodoro, Ll'uno Avocato, e ll'autro Conzegliere, Tutte doie veramente penne d'oro; E po li Capojanche patre, e ffiglio, Uommene de sapere, e de conziglio.

### 111

E de chella memmoria selice, Degna d'essere scritta tra l'annale, De chi ll'opere a guisa de Fenice, Se sò a lo Munno già rese mmortale, Zoè, de lo Reggente Sanfelice, Penna pe ttiempe nuostre prencepale, E coo Moccia porzi chella de Mauro, D'autre corona digne, che dde lauro.

112

Na statoa non vidde cchiù bevace,
Nfratante, e ttante, che llà nee vedette,
Nè la cchiù naturale, e cchiù berace
De chella maie lo Mastro nne facette,
Quale de lo Reggente fu Ccacace,
Che nvederla pe ccierto nne stopette,
E mme nn' era de muodo nnammorato,
Che cquasemente nce restaie ncantato.

113

Llà d'Anna Patre, e d'Anna figlio puro Le statoe bellissime pe ceierto, Vidde, de chi lo nomme non è scuro, Ca tutte duie cantaino de conzierto, Ch' a lo presente siecolo, e ffoturo De jodecà lo munno hanno scopierto, Po dò no passo nnante, e cquanto scor-

Grammatcco, e Giovann'Adrea de Gior-( gio. La statoa de Fabio Marchese, Co echella de Frabizio Brancaccio, Che co la penna venzero cchiù mprese, Che co la spata Orlanno, o che nne sac-(cio:

E p'utemo mostraime lo Cortese De chillo Storiografo Capaccio La statoa, che si be no scrisse 'n legge, Ha scritto cose degne, e ccose egrege.

#### 115

E pò vidde d'Ammennola, e Staivano, E co cchella de Bottis, e Mmangrella Le statove co cchella de Marciano, Che faceano na vista troppo bella, De li quale la famma và lontano Ca vola, e n' ha besuogno de stanfella, E co le stampe, e co li scritte lloro Hanno già dato cunto de chi foro.

#### 116

Le statue de Gosciune, e de Coscette, E de Coscia, letture assaie sapute, De quale lo secunno mme leggette, A ttiempo ch'era vivo, l'Istetute: Apprieso a cchiste subbeto scorgette

143

Giovann' Andrea de Paola, ( o tiempe jute ) Lo quale mme leggette l'ordenarie, Che da mò scurze sò gran calannarie.

117

Mentre stea contempranno a no pontone De st' uommene lo spireto devino, Mine voto, e bidde Giulio Capone, Che su doie vote Conte Palatino, Chillo, che a ttiem pe nuoste su mmastrone, Che de legge nsi ncanna nne stia chino, E beramente co bona ragione Potea sa legge apparo de Solone.

118

De Costantino Cafaro vediette

La statua, che ppareva na majestate,
Che pe ccierto gran gusto, che nn'aviette

Nvedè chelle fattizze appropriate;
Chillo, che seppe scrivere, e screvette
Gose appontute co la veretate;
Lo quale creo, che nnanze tiempo è
munorto,

Perchè ca non potea senti lo stuorto.

1119

E de chella memmoria groliosa, De chi si bè la statoa sta Mparnaso, 144
L'Anema Mparaviso s'arreposa,
Pe l'addore, che d'isso ha nterra spaso:
Vediette, quale fu Peppo de Rosa,
De chi corre la famma nfi a l'Occaso,
Omno tutto bontà, senza magague,
Che oje lo juorno Napole lo chiagne.

# 120

Ntra l'autre che bediette a sto tresoro Nc'erano de Felippo, de Marino, Li quale ammice tutte duie me foro, Perrò no le serviette pe Ddarfino; Scriss' io de chiste cca l'opere lloro, E no le nteressaje de no lopino, Ma s'avevano vita a cca cient'anne, Cierto ca mme levavano d'affanne.

#### 121

Lellio Gizzio lla puro nee trovaje
Nziemo co Mmichel' Angelo lo frate;
Che l' uno, e l' autro screvettero assaje,
Ed hanno legge, e ttieste smedollate;
Non m' avarria voluto parti maje
Da lla, pe contemprà sta degnetate,
Ma no mme potte troppo trattenere,
Perchè ne' era già robba da vedere.

#### 122

Dereto a tutte quante, ma vecino A cchiste ch' aggio ditto, puro ne'era Lo Magnifeco Andrea Valentino, Quale io vedenno canoscie a la cera, E tutto quanto d'allegrezza chino Chiù che non en auciello a Primmavera, Abbraccio chella statoa, e la vase, Toccanno vocca a bocca, e nnaso a nnaso.

### 123

Quanto lo gusto fu nconcrosione
Vedere chillo che m' avea stampato
Voglio lassà nconsederazione
A chi vede lo patre s' è sonnato;
Non se pò dare comparazione
Tra me, ed Anea, quant'appe trovato
Po patre Anchise dapò tanto stiento,
Perch' io abbracciaje na preta, isso lo
( viento.

# 124

Scompute li Dotture, e li Legiste,
Vediette li Poete mano mano,
De devicrze paise, ma tra chiste
Cchiù d'uno canoscie Napoletano;
Ora che ddegnetate che bediste,
Ca chi teneva no frascone n' mano
De lauro, e de ghirlanne tanto belle
D'ellera tenea n' capo, o de mortelle.
La Cecala

# 128

La statoa vedde lla de Tonno Basso,
De Nufrio d'Andrea, de Mario Rota,
E cchella po de Giammattista Grasso,
La vertù de li quale a ttutte è mota,
E da chille, ch' a pparo de lo Tasso
Scrisse, e non ne sgarraje manco na jota,
Lo gran Poeta Andrea Santa Maria,
Che fu lo sciecco de la Poesia.

### 129

Appriesso po d'Ascanio Pignatiello,
De marino Capece de la Spina,
E cchisto fu, che ffece gran fragiello
Co la Vertute soja, e la Dottrina:
Avette no sottile cellevriello
Co scrivere, e pparlà nlengua latina;
E cchesto lo ffaceva a briglia sciota,
Che de molino te parea na Rota.

## 130

Votaic l'uocchie; tè, mò nce lassava Na statoa, ch' era cierto la cchiù bella, Teneva mente, e ppare che pparlava, Comme se avesse avuto la favella. 148
E ppoco nee voleva, e nei escordava
De Ferrante Carrafa, e nei era chella
De Cesare Caracciolo, che fforo
De la Toscana Poesia decoro.

131

De Loise Joele, e Ssarriano
Le statove porzi vidde a la llerta,
Che ll' uno; e ll' autro fu Nnapoletano,
De li quale la Famma non è neerta;
E de chillo famuso Capoano,
Che mme fece restare cann'aperta,
Attendolo zoè, chillo, lo quale
Fu ntiempe suoie Poeta prencepale.

132

Ma chi porria cantare li Poete,
Ca nce n'erano llà le mmegliarate,
Cchiù ch' a Rresina, e a Ppuoitece so
( pprete
Da lo Monte de Somma vommecate;
De li quale cchiù d' uno senza dete
La mano ritta aveva, nzanetate?
Io coriuso de na cosa tale,
Nne demmandaie la causa a Ccaporale.

133

Chillo se mese a rriflere, e po disse, Or che mi dai, che te 'l farò palese? Ed io respose, si mme lo ddecisse, Pe cierto affe non te sarria scortese; E cchillo reprecaie: ciascun che scrisse Contro il dover, ch'ad altro non attese Solo, e quantunque di star qui sondegni, Vuol Febo, che si merchin con tai segni.

#### 134

Così chi con la penna il tempo perse, E mischiando l'inchiostro con sudori, Con gran danno di molti le vie aperse A i fraudolenti, e disonesti amori; E quei ch'ancor con Poesie diverse Si ridussero a far gli Adulatori, Facenno encomii, e danno ingiusta lode A chi altro non mancan, che le code.

# 135

Altri, che con metafore, e traslati,
O con parole, e voci unqua non use
Hanno i poemi lor così oscurati,
Che le menti dell'uomini han confusc;
Furon con tutto ciò già perdonati
Da Febo, ma per grazia delle Muse,
Con patto, che le statue di costoro
Per l'avvenir non entrino in decoro.

Dapo de cierte ffemmene nnorate
Le statoe vediette, o che gran cosa!
Ch' a Nnapole se bè n' erano nate,
Co tutto zzò, la vista fu gostosa;
Le equale tutte steano ngiorlannate
D' ellera, de viole, e quacche rrosa,
Io disse a lo Cortese chi so cchesse?
So state, mme respose, Poetesse.

137

Femmene Poetesse! hu mamma mia!

Io decette, mpossibile mme pare,
Che-pozzano sapè de Poesia,
Quanno manco sò hone pe ffelare;
E chillo reprecaie, non è boscia,
E pe mmeglio volermene nformare,
Mme decette chi chelle erano state,
E li nomme de cchiù co le ccasate.

#### ι38

Mostrannome la primma, disse chella Azrò saccie, fu femmena, la quale Conforme fu de viso tanto bella, Accossì de vertù fu pprencepale; Chesta ccà fu Llogrezia Marenella, 151 Che s' è pe Ppocsia fatta mmortale, Chell'autra appriesso è Llaura Terracina, Ch' a ffare vierze avea mente devina.

# 139

L'auta, se vuoie stopire, siente, e gosta, Fatt' ha restà ciente Poete ammisse, Ca nne neacaie lo Tasso, e ll'Ariosta, Tanto bello compose, e ttanto scrisse; E sse cchiammava Margarita Costa, L'opere de la quale si leggisse, Cierto nee spennarrisse mise, ed anne, Ca te farriano scire da li panne.

# 140

De Veroneca Gammara la famma
Gran Poetessa de li tiempe suoje,
Zoè la quarta, che ccosì se chiamma,
Corre da Talia nfi a li lite Eoje:
La quinta se po ddi d'Apollo mamma,
E si lo nomme sujo sapere vuoje,
E la Signà Vettoria Colonna,
Mentre è lo Munno a nnull'autra seconna.

### 141.

Se ti è caro veder di tue paesane Le statue al vivo, disse Caporale, Mostrerottele adesso, che lontane Non son di qui, ben fatte al naturale; Queste acciò sappi son Napoletane; Che con virtude sopra naturale; S'acquistaro nel Mondo eterni vanti A dispetto degli uomini ignoranti.

142

De Sabella de Capoa Prencepessa
De Morfetta, la statua mme mostraje,
E dde Maria de Capoa, Duchessa
De Triemmole, che ppuro scrisse assaje;
Appriesso po de n'autra Poetessa,
Quale nvederle; cierto n'arrestaje,
Che Ddonna Nora fu Sanseveverina,
Penna de tiempe suoje quase devina.

143 ---

Po de Donna Giovanna d'Aragona; Quale fu de lo Vasto Marchesana, E de chell'autra degna de Corona Caracciola, cioè Giostiniana, E de na ccellentissima Matrona, La quale fu porzi Nnapoletana, Dico La Prencepessa de Betera Degna de stare a la Celeste sfera.

144

Dapo vidde la statova de chella, Che ntoscano cantaie co ddoce stile; La quale se chiammava Andreanella, Napoletana, e dde casa Bisile; Appriesso a cchesta ccà, na segnorella, Ch' a ffare vierze avea ngiegno sottile, Che Giulia de Capoa se chiammaje, E pò Maria Loffredo mme mostraje.

#### 145

Tanno m' addomannaie lo Caporale S'oie ne'erano ste ffemmene a lo Munno, Quale attennenno all' arte leberale, Avessero pescato tanto affunno; Nò nce nne sò, respose io, de ste ttale Si, lo cirche, e rrevuote a ttunno a (ttunno, Ca oie chella è la vera Poetessa; Che sà ssola, e sfrenata ire ngalessa.

146

Lo Caporale quanno chesto ntese
Se fe e a schiattariello na risata,
E ddato m'avarria quarche ttornese,
Ma tenea la saccocciola sfonnata;
Perrò chesto si bè, ca mme prommese
Ca m'avarria ben priesto procorata
Da Febbo na patenta, o na despenza
L'avere, a ggusto mio, pane neredenza.

Ma tanno lo Cortese mme respose,
E disse, va ca staie male nformato,
Pocça nou saie de Napole le ccose,
E t'avante ch'a Nnapole si nnato;
Addonca tu non saie chelle ffamose
Napoletane femmene, o sciaurato?
Che pe la penna lassanno lo fuso
S'hanno acquestato nomme grolejuso.

# 148 E che sì ffuorze nato a lo Mantracchio,

O dinto Pascarola, overo a Ttrocchia?
Potta de mene, e comme si bozzacchio
Si manco fusse nato a la Conocchia,
Cierto mmeretarrisse no vernacchio,
Perche buoie che mme gliotta sta pa( pochia
Pocca nne saccio certe, che so bive;
E te le ddico, azzò le nnuote, e scrive.

# 149

Che perrò commenzanno da la primma,
A una a una te le ddico tutte,
De quale Apollo nne face gran stimma,
E immaie nne stace co le labbre asciutte,
Le cquale co la prosa, e co la rimma

A cchiste tiempe d' oie sauze e scornate, l'att'hanno stare, e fanno stà a steccheta Quarch' ommo; che se tira la cauzetta.

# 150

Donna Giulia de Capoa, Dochessa
De le Nnucc, non saie, piezzo d'Anchione?
L'autra che d'Ottajano è Pprencepessa
D'Avolo Donna Nora, o nzemprecone;
È l'una, comme ll'autra Poetessa,
Che ccierto ponno stare a pparagone
A lo Tasso, a lo Bemmo, e a l'Achellino,
O se quarch'autro ne'è, che ssia echiù
(fino.

# 151

Dove lasse Vecenza de Regina,
Dochessa de le Ppesche, dì, pacchiano?
Ch'a cchisti tiempe è penna accossi ffina,
Che restà face ainmisso ogne Ttoscano,
E cchella, che cchiammà se pò devina
De ngiegno quasemente sopr omano,
Olimpia Rossa, quale veramente
Face restare ammisso chi la sente.

# 152

Ne'è ppuro Donna Eusemmeja Spinella, Che ceompetere pò co lo Petrarca, 156

E. cchesta, azzò che ssacce, appunto è cchella Ch'a Nnapole è cchiammata la Monarca; Nc'è puro viva Carlotta Savella, Quale a ddespietto d'ogne ceruda Parca Ha fatto mpoesia profitte tale, Che s'è aternata, e fatta s'è mmortale.

153

No' è po Donna Giovanna de la Torfa, Ch' è ll' utema Dochessa de Gravina, Ch' a pparlare de chesta chi se ngorfa, Non se nee metta si non ha dottrina, O comme sà cantà buono la zorfa Ncoppa la Poesia Tosca, e Llatina, Che pe l' Auropa de le ppare soje Poche, previta mia, nee ne songh'oje.

154

E cchella, che nnarcare fa le cciglia Co gran stopore a la Natura, e ll'Arte, De lo nnevierzo Munno mmaraviglia, De chi la famma vola p'ogne pparte; Qual'è Ddonna Vettoria Cavaniglia, Che pe llaudarla mancano le ccarte, E puro t'è becina, e nno la saje? Da vero non nee fusse schiuso maje. Chest'è chella Segnora groliosa,
La quale de Sant' Ermo oje è Marchesa,
Che ttanto è ddotta, quant'è mma(jestosa,
De chi nfi cca la voce s'è ddestesa;
È cchesta mpoesia tanto famosa',
Che mmaie simmele cosa non s'è ntesa;
Ma che la Poesia? chest'è la manco,
Ca d'ognescienzia parla prunto, e firanco.

# 156

Aspetta ca ne' è n' autra Poetessa, Che no me l' allecordo troppo bona, Stà zitto, ca te dico mò chi è cchessa Quale de Poesia porta corona; Mò m' allecordo, ed è la Prencepessa De Valle, che ppe ttutte cca resona, La quale è Ddonna Nora de Loffreda, A cchi bisogna ch' ogne Mmusa ceda.

### 157

Tutte cheste, azzò saccie, sò arrollate
A la Delfeca nostra lebraria,
E co gran gusto Apollo I ha azzettate,
E nne fa ecunto assaie previta mia;
Quale se songo tutte ammortalate
La Cecala

P'esser' assaie valiente mpoesia, Ca sopra ogne bertute, ogn' autra cosa, Femmena Poetessa è mmostruosa.

#### 158

Che perzò quanno a Nnapole retuorne Va le ccanusce, e falle lleverenza, Ca henediciarraie l'ore, e li juorne, Che de cheste vediste la presenza; Si na vota le ssiente, affè nee tuorne, Perchè sò de vertù la quint' assenza, E ssongo de dottrina accossì nfuse, Che deciarraie, ca cheste sò le Mmusc.

# 159

Gà de stelle la notte lo soffitto,
De lo Cielo avea tutto attorniato,
Quann'ogn'aseno, e ogn'ommo sesta zitto,
Ca de lo suonno stev' addobbiato,
Io tanno cchiù ccostante a ppede fitto,
De vede coriuso stea neantato,
Nè mme coraie, dormire, e arreposare,
Pe le ppotere a ggusto contemprare.

#### 160

E ttanto cchiù pe bona mia fortuna Ca specchiato, e sperlito nee vedeva, Perche tanno nerescenza stea la luna, Lo raggio de lo quale llà ttraseya; A ggusto le bediette ad una ad una, E cquanto scritto a li petaffic steva, Perrò; p'abbreviare, de lo ttutto Senza che le llegesse, nne fuie strutto.

#### 161

Io già ssapeva, ch' erano Sordate,
Zoè Mastre de Campo, e Ccolonnielle;
Perchè stevano tutte quante armate,
Comme tanno facessero dojelle,
Chi lanze mmano avea, hi cegnea spate,
E chi tenev' accette, e chi martielle,
E ciert' autre nce nn'erano de cchiune,
Chi co ccelate, e chi co mmorriune.

# 162

E cossi hidde tant' uommene armate De marmore, che stevano a ffelere, Che ffuino li Masarde, e Ttetolate, E de nomme, e de fatte Cavaliere; Che pe la Monarchia se so sporpate De rrobba e ssango pe fa lo ddevere, E de chi pe la Patria, e pe lo nnore Si non sango, spargiuto hanno sodore.

### . 163

E perchè mme stea rente lo Cortese; Quale comme ca fu Nnapoletano, E le ggente sapea de lo paiese,
E li valiente, e cchille d'otto a ggrano;
Mme fece chelle statoe palese
Di chi foro a lo Munno oie tanto vano,
E pe mmeglio nformarme quanto, e

( ccomune
De chille mme decie li fatte, e nnomme.

164

Lo primmo che mostraieme lo Cortese Fu chillo gran Segnore grolejuso, Marte Napoletano; lo Marchese Nuostro, ch'ogo' uno sà, de Torrecuso, Ch'a mmille fatte d'arme, e mille mprese Se mostraie sempe nvitto, e baloruso, De lo quale ch' io parlo non accorre, Ca potea stare a pietto con Attorre.

### 165

La statova de Carlo de la Gatta
Rente a sto gran Segnore noe vedette,
De lo quale la nvidia nne schiatta.
Pe cchelle gran prodizze che ffacette;
Chillo che nce defese a spata tratta,
E co llanze, e co spate, c co scoppette,
Che dapò ch' appe fatto no maciello
De Galle, fece libero Orbetiello.

Vasta ca chisto schitto co lo nomme
Era de li Franzise lo terrore,
E n'aveano paura justo comme
De la gatta lo Sorece a l'addore;
E te concrudo nsomma de le somme
Ca fu de ncomparabele valore,
Nzomma fuchistocchiu de Marte nterra,
Anze, che Mmarte? furmene de Guerra.

167

Po chille duie de razza gigantesca

Mme mostraie, che lo Cielo l'aggia
(ngloria,
Dicenno de vasarle non te noresca
Le mmane, ca sò ddigne de memmoria,
Che p'essere a lo munno troppo fresca,
Non te ne pozzo fare longa storia,
Ma saccie ca Cont'è de Commerzano
L'uno, e Pprencepe è ll'autro de

168

E beramente l'obrecazione, Che s' ave a sti Segnure è troppo granne, E cchiammare se pò no coppolone Chi non se n'allecorda a ceà mill'anne; 162 Non volè sapè cchiù nconcrosione, Ma si volisse scire da li panne, Quann'a Nnapole tuorne nformatenne, Ca tanno ntennarraie cose stopenne.

# 169

Po cchiù nnante na statova vedette

Nuda, ma senza capo, o che terrore!
Ca pe lo gran spaviento, che mme dette,
Lo spireto fu quase pe scì fore;
Ma sopr' ogn' auta-cosa mm', atterrette,
Ca da lo pietto le pennea lo core,
D' uno, quale pati morte crudele
P' esser' a lo Rrè suio sempe fedele.

### 170

Npenzannoce lo core mme trapassa, Co l'arma l'ardentissemo dolore, Ed ogne bena ncuorpo mme s'attassa, E mme corre pe l'ossa no tremmore; Qual'era de lo Prencepe de Massa, Dign'essere laudato a ttutte l'ore, Che pe mmano de guitte a lo Mercato, Da martere morì, non da sordato.

#### 171

Tanno quanno la Prebe nferociuta Commattere se crese co le stelle, E quanno la Repubbreca arreggiuta Volca de quarant' onza le ppanelle, Quanno chella marmaglia: nzellanuta Campare se eredea senza gabelle, E bivere senz' arte, e ssenza ntrate, Co fa lo tagliacuolle pe le strate.

#### 172

O d'ogne federtà sciecco, ed asempio,
O digno de corona, e de Trofeo,
A chi, diss'io, na statoa no, no Tempio,
O te convenarria nu Mausolco;
E Ccaporale disse, o Popol'empio,
Perche dilaniare un Semedeo,
Che altro fin non avea, nè altro impegno,
Che conservare al pio Monarca il Regno?

### 173

No' era de chiste coà na quantetate,
Che dì se ponno Martere verace,
Ma perchè mo le coose so scordate,
De non parlarne cierto mme pejace;
Ntanto lo Cielo a nnuie dia sanetate,
A lloro requia, e ssempeterna pacè:
E coossì prego, che nee sia conciesso:
Ora decimmo mò dell'autre appriesso.

### 174

Mentre steva a bedè cossì ncantato, Ntese de gente armate no remmore, 164
Quanto mme voto, e bidde accompagnato
Da Bellonia e da Marte no segnore,
La statova zoè, comm'a ssordato,
Che pareva fosse ommo de valore,
Quale perchè mme creo ch'era pesante
La portavano ncuollo seie giagante.

# 175

Quanno la vidde nfaccie, atta de nnico, M'accuorze ch'era de le gente nostre, De groleja, e de nnore vero ammico, De chi la famma corre pe le pposte, Qual'era de Loise Podérico, Che ffece nguerra cchiù battaglie, e

E scomputo ch'avette la melizia Fu fatto Vecerrè de la Galizia.

# . . 176

Quale sfastedeiato de le ccose

De sto Munno, e già fattose palese,
Voze fa prova de cchiù groliose,
De cchiù stopenne, ed onorare mprese,
E le terrene cure assaie penose
Lassanno, trammutà voze pajese,
Ca da sordato meletanno nterra,
Mo gode pace 'n Cielo senza guerra.

E de chili azzellente Cavaliere,
Che fu ommo de pietto, e de valore,
E ssapea de le guerre lo mestiere,
Cchiù de chi fu de chille lo nyentore,
Cierto non me spiacette de vedere,
Ca mme se rallegraie tutto lo core,
Che de Monte-Pagano fu Mmarchese;
De chi se sanuo le nnorate mprese.

# 178

L'allegrezza, ch'aviette fu nfenita, Vedennola cossì a lo nnaturale, Attiso tanto bella stea scorpita Co ffaccie majestosa, e gioviale; Justo parea comme quann'era nvita, De chi fuie servetore cordiale, E mo nc'è Don Antonio co lo frate, Figlie de chisto, e a mme patrune amate.

### 179

De duie gran Cavaliere prencepale Le statove vediette majestose, Zoè de Giorgio, e Becienzo Serzale, De chi so nnote l'opere fammose; Vecienzo Commessario generale Fu de Cavalleria, quale gran cose Fece a Minelano, e Giorgio ommo valento De tutta chella fu Luocotenente.

#### 180

N'autra po nne vediette assaje vezarra, O che ccosa pe cierto prencepale, De la quale ogne storia nne narra Prodizze quase soprannaturale, Ch'era de Don Vecienzo de la Marra, Che fu'n Venezia no Gran Generale, Lo quale ciento vote, e no schitt'una, Deze che ffare a ll'Ottomana Luna.

### 181

De chillo ch' a la Sciannena acquestaje 'N favore de lo Rrè tanta fortizze, Na statova galante mme mostraje, Quale mm' addopprecaie le ccontentizze. Io tanno a lo Cortese addommannaje, Chi è cchisto, che fatt'ha tanta prodizze? È Ddonn'Andrea Cantelmo isso respose, Che ffece mille mprese groliose.

#### 182

La statova de chill' arcevalente Vidde, che fu Ssordato, e Ccavaliere, Lo nomme de lo quale aternamente Ammortalato s'è de cchiù mmanere Fra Llellaro Brancaccio, ommo saccente, Lo quale pe balore, e pe ssapere, Cierto co beretà se pò chiammare Lo sbrannore de l'Arte meletare.

# 183

Po vidde chella de Carlo Speniello, Quale fu de le guerre lo sconquasso, È sfece de nnemice nu maciello, -Cchiù che non fece a ttiempe suoie ( Gradasso , Chist'ogne Capetanio, e Ccolonnello · Lo chiammava de Talia Architalasso; Conforme mme decette Caporale, Ch'a mmare, e nterra fu gran Generale.

# 184

Vidde de Don Michele Pignatiello Na statoa cossì bella, e ccossì biva, Quale justo parea fatto a lleviello, Ch' a ffarla meglio Fidia non c' arriva; Chisto fu chillo che cacciaie Martiello Co ttutta la rampante commettiva De Marejuole, che steano ncampagna, E botà le faccette le ccarcagna.

## 185

E ntiempo de le rrevoluzeiune, Fu de mazzacanaglie lo spaviento, 168

Ca quanno chille guitte mascauzune Lo senteano, fujeano comm'a biento; Nzomma chisto Segnore facea cchiune, Che non faceano a cchille tiempe ciento, Mostranno quant'era ommo de valore Pe lo Rrè, pe la Patria, e pe lo Nnore,

### 186

Otra ca quanno fu Mastro de Campo A le Guerre de Sciannena, e Mmelano, E addovonca stette co lo campo Se mostraic de valore sopr'omano, Perchè fu de nnemmice tuono, e llampo, Buono co lo conziglio, e co la mano, Ma che boglio parlare de sto Marte, Già che stà scritto a cchiù famose carte?

### 187

Llà de Giulio Cesare, ommo raro,
Che de Conca fu Pprencepe, e Ssegnore,
Qual' a li tiempe suoie non ebbe paro,
La statoa vediette de stopore:
Ommo p'arme, e pe llettere assaic chiaro,
Che de casa de Capoa fu sbrannore,
De chi la penna mia cehid non se stenne
Ca n'hanno scritto cehiù nnorate penne.

De chillo, che cedette a lo nnemico,
Quanno non potte cchiù, ma co gran
( core
Le decette, te cedo a cchisto ntrico,
Non ch'avesse de te quarche temmore,
Comme Sordato nò, ma comm' Arrico,
Ca non m'appassarrisse de valore,
E cchisto mme decette lo Cortese,
Ch'era de Montenigro lo Marchesc.

189

Fra de chiste la statoa porzì no'era
De no gran Segnorone, e gran Sordato,
Quale steva scorpita de manera,
Che m' avea quasemente nnamorato,
E chist' era lo Duca de Nocera,
Ch'Ulisse Taliano fu cchiammato,
De chi la famma a ddoie trommette sona,
Che fu po Generale d' Aragona.

190

La statoa mostrajeme po de chillo Prencepe de la Riccia, ommo zelante, Che zompaie da cavallo, comm' a grillo Pe ssarvare la vita a Rre Ferrante, Si nò, cierto ncappava a lo mastrillo La Cecala De lo nnemmico, che le venea nnante, Quale pursto a ccavallo, via fojette, E lo Prencepe a ppede nce morette.

#### 191

Na statova po vidde, che tteneva Na verghetta a lo dito de diamante, Quale disse Cortese, ca valeva Ottomilia docate de contante, Na chiava d'oro neinto puro aveva, Che non se dea no tiempo a ttutte quan-

E don Arfonso chist era Gaetano, Lo quale Duca fu de Laurenzano.

#### 192

Chisto guadagnaie l' Ereda, e Monzone, Chisto ccà fu fragiello de Franzise, Chisto de Rrè Felippo fu ccampione, Ca guadagnaie Cctà, Terre, e Ppaise, Chisto fu de le guerre confalone, E no stimaie la vita tre ttornise, Ca coll'arme a le mmano, azzò che ssacce, Voze primma morì, che botà facce.

# 193

E de Paolo de Sangro vidde appriesso Na statoa, che nfi llà se pò arrivare, Che de parlarne a mme non è cconciesso, Perchè fu de valore sengolare, E se trovano a cchiù de no prociesso L'azziune magnaneme, e ppreclare De sto Segnore, scritte, e rregestrate, Che ffavole non sò, ma veretate.

# 194

E cchella de Gerardo Gammacorta

Dove lassava, che fu n' ommo nvitto,
De chi la Famma manco non è mmorta,
Ca d'isso mille Auture nn' hanno scritto?
Perzò ch' io no nne parlo poco mporta,
Ma dicere nne voglio chesto schitto,
Nè ddevo co sselenzejo passare,
N' ommo de tanta stimma, e ssengolare.

# 195

Ca chisto ccà fu cchillo, ch'addomaje E nfenite, e ddeverze naziune, E d'auemo, e balore soperaje Non ciento Marte, ma li meliune: Simmele a cchisto non s'è ntiso maje, Perchè li Galle deventà capune, Facette, ca quann'era a na battaglia No le ffacea vale manco na paglia. D' Andrea Matteo la statoa Caporale Po mme mostraie, dicenno, quest'è ( quello

De la casa Acquaviva il Principale
Duca d' Atri, de' Barbari flagello;
Averardo mostraieme po, lo quale
Co lo Rrè d'Ongaria fece dojello,
E co balore granne, e co pprodenza
Le fece no gran tiempo resestenza.

# 197

Doie statoe me mostraie pò belle, e pronte, De Diomede Carrafa fu la primma, Che fu de Mataluna primmo Conte, Valoruso a le guerre, e de grà stimma; A lo quale le steva facce-fronte Antonejo Malizia, che ffu ccimma, O cippo de Carrafa, e a sti paisa Nee facette trasì l' Aragonise,

# 198

D' Andrea po Francisco gran sordato Ntiempo de Rrè Ferrante d' Aragona, Che da lo ditto Malizia era nato, De marmora mostraieme la perzona; Dicenno, chisto ccà s'è spelleochiato De sango, e rrobba pe cchella corona, De chi fu lo valore tanto granne, Che ddurerà pe ciento milia anne.

#### 199

De Ferrante, ed Arfonso de Pescara,
Marchise de valore arcesoprano,
La grolia de li quale è troppo chiara,
E lo valore de le lloro manó;
Quale con ardemiento, e bertù rara
Fecero stà a stecchetto Solemano,
E a le bannere soic torchine, e ggialle
Cchiù bote votà fecero le spalle.

#### 200

Mentre steva vedenno ste scordure,
Addommannaje pe ccoriosetate
A Ccaporale, le mmanefatture
De quale valentuomene so state,
Perchè sotta no ne' erano l' Auture
De nullo modo scritte, nè nnotate;
Ma cchill'ammico subbeto a lo mprunto,
Di chi fatte l' avea mme deze cunto.

#### 201

E ddisse, certamente mi par giusto Di soddisfatti in ciò, ser Valentino, Dell'antiche dirò per darti gusto, 174
Che molte ve ne son del Sansovino,
Ve ne son altre d'Agostino Busto,
Ed altre ve ne son del Rossellino,
Di Nicolò d'Arezzo, e del Pisano,
Di Gioan Filippo ancor Napoletano.

Ve ne son anco assai del Baldabrino, Come di Simon Bianco, e Roccezzano, Del Grasso, Montelupo, Riccio, e Nino, Ed anco ve ne son del Paduano; Ve ne son anche molte del Bernino, E di quell'ingegnone alto, e sovrano Di Geronimo d'Auria, e Santa-Croce, Di chi spande la Fama ogn'or la voce.

# 203

Ne fe molte di queste il Moscatello, Se ben di marmo, pajon fatte a cola, E tre fatte n' ha Baccio Rondinello, Ed altre fatte n' ha Giovan di Nola, Sangallo, Naccherini, e Raffaello, Michalozzo, de un certo tal Nicola, Il qual non misovviene, e gli altri appresso Senza punto induggiar li dirò adesso.

### 204

E mano mano po mme deze parte De cert'autre, che steano a pparagone Da settant' anne arreto a cchesta parte, Fatte da no bravissemo mastrone: Dicenno, questo ave illustrata l'arte Del ben scolpire al vivo le persone, L'opera dunque, che vedi così vaga, L'ha fatta il Cavalier Cosmo Gonzaga.

Quest' è colui che la tua nobilissima
Patria adornò de più famosi tempi,
Che per tutta l'Europa, benche am( plissima
A par di quelli non vi sono esempi;
Egli è di mente sì sollevatissima,
Che a dispetto de gl' invidi, e de gli
( empi,
S' a quei tempi di Fidia ci fusse nato,
Il primo luogo avria certo occupato,

### 206

Ne' erano da vedere le mmigliare
De statoe de Segnure, e Ccavaliere,
Li quale tutte pe s' ammortalare
Spargettero lo sango volontiere.
Ma Caporale voze abbreviare,
E ssulamente, pe mme fa piacere,
(Lassanno l'autre, ch' era notte assaje)
Cheste, che mò ve conto, mme mostraje.

De chillo llà de grolia mpastato,
Che no ne nasciarrà n'autro a lo Munno,
Chillo p'ogne pontone nnommenato,
Pe quanto gira, o bota a ttunno a ttunno,
De Tommaso Caracciolo nnorato
La statoa mme mostraie, ch'a lo pre(funno,
Mannaie gran Galle, e pe llaudarlomparte
Nee vorriano le rreseme de carte.

#### 208

Perchè fu de nnemmice lo spaviento,
E de tutta la Franza lo terrore,
Lo quale sulo contr'a ccincociento
Nce spenneva na dramma de valore:
Chiste o l'arme mmano n'avea abbiento
Tant'era ggeneroso, e de gran core,
E si mo fosse vivo, li Franzise
Cierto non valarriano tre ttornise.

#### 209

De Marino sordato, e Ccardenale Caracciolo a le guerre assaie famuso, Che fu Mastro de Campo Generale, Ntiempo de Carlo Quinto groliuso, Che cchiù d'ogn'autro s'è fatto mmortale, Attiso sempre fu bettoriuso, Che de Melano po Governatore Fu fatto, pe lo stremo suo valore.

#### 210

A cchesta de Marino la stea rente La statova porzi de Giammattista Caracciolo, nell'arme assaie possente, Quale facette cchiù de na conquista. De Domizio lo figlio ncontenente Le statoe, che faccano na gran vista, Vediette, d'Atrepalda primmo Conte, E lo figlio Marino faccefronte.

#### 211

E cchisto ccà fu chillo gran Marino,
Ntiempo de Rrè Felippo lo Secunno,
Che Pprencepe fu primmo d'Avellino,
E de valore a nnull' autro secunno,
Quale fu ssordataccio accossì fino,
Che non se trovarrà ntutto lo Munno;
Abbasta mo, ch' a cchille tiempe tanno
Se facea arreto s' era vivo Orlanno.

#### 212

E nzomma chisto fu chillo, lo quale Co Don Giovanne d'Austria a la bat-( taglia, O comme voglio di guerra Navale, Fece de Turche, e Mmore na frettaglia; L'autro fu Ccapetanio Generale D'uommene, che hesteano giaccio, e (mmaglia Valoruse co ll'arme a mmaro, e nterra, E Cconzigliero de Stato, e de Guerra.

### 213

Ll'autro voze sapere chi era chillo, E Ccaporale priesto mme respose, E questo, or sappi, il Principe Camillo; Di chi l'opre fur sempre gloriose Di questo appresso ancora, godo e brillo, Ch'in Lombardia, e altronde fe gran cose Domizio Secondo, i cui gran gesti Fur sempre al Mondo noti, e manifesti.

#### 214

E po n'autro Marino mme mostraje, Quale, muorto lo patre a Llommardia, Luocotenente a cchillo llà restaje De tutta quanta la Cavalleria; Po Caporale disse, basta ormai, Perchè la notte già se ne va via, E sappi sol, che da cotesti rami, Discende quell'Eroe, ch'Apollo chiami. S C O M P E T U R A.

# INNECE

# DE LA CECALA NAPOLETANA.

A cchi non sa leggere	pa	g.	
Defesa de la Mezacanna			21
Lo commanno d' Apollo.			- 50
La Gallaria d'Apollo .			100

101 1469118